

ՀԱՅՐԱԶՈՐ



9211

შინაარსი




ქურონალ „ჯეჯილისა“:

I. გიორგი წერეთელი—ი. ა-სი	3
II. საახალწლო სურათი—ლექსი დ. თამაშვილისა	7
III. პატარა იესო (ფრანგულიდან)—ა. წ—სა	9
IV. მებაღე (იგავი) ად. მ—შვილისა	13
V. პატარა მეგაზეთე (საახალწლო მოთხრობა) ნიკო ხუციშვილისა	14
VI. ბუზი (რუსულიდან) ი. ა.-სი	22
VII. ცელქი სანდრო—ლექსი განდკვილისა	24
XIII. საკვირველებანი ბუნებისა (პნ 4) კენგურუ ანუ ბუმერი ლადა აღნიაშვილისა	27
IX. თავდადებული ქართველი ეჯიბი (საქართველოს წარსუ- ლიდან)—იაკობ გოგებაშვილისა	35
X. ჰაერში ფრენა (ჰაერონავტიკა)—ილიკოსი	40
XI. სიყვარულს რა არ შეუძლიან (საახალწლო მოთხრობა) ქკ. გაბაშვილისა	44
XII. ბედნიერი დღე (საახალწლო მოთხრობა რუსულიდან)— სანა ციციშვილისა	56
XIII. წვრილმანი: აკროსტიხები, ანდაზები, ზმა, სიტყვების ამოცანა, შარადა და რებუსი	68



გიორგი წერეთლის სურათი ბიოგრაფიასთან ამ ნომრის-
თვის ვერ მოესწრო და თებერვლის ნომერთან ერთად და-
ურიგდება ხელის-მომწერლებს.

საქართველოს
საბჭოთაო რევოლუციური
პარტიის



საყმაწვილო ნახატებიანი ჟურნალი

იხარდე, მწვანე ჯეჯილა,
დაპურდი, გახდი ყანა!
ი. დ.

№ 1.

125

წელიწადი მეთერთმეტე

თბილისი

სტამბა ექვთ. ივ. ხელაძისა. * * * Тип. Е. ф. Ив. Хеладзе


1900





Дозволено цензурою. Тифлисъ, 18-го Января 1900 г.

† გიორგი წერეთელი



ვენს საყმაწვილო ჟურნალ „ჯეჯილს“ ერთი საპატიო თანამშრომელი მოაკლდა. 12 იანვარს გარდაიცვალა ქართულ მწერლობის ერთი დედაბოძთაგანი, უანგარო მუშაკი გიორგი ექვთიმეს ძე წერეთელი.

განსვენებული დაიბადა 1842 წ. სოფ. გორისაში, შორაპნის მაზრაში. გიორგის მამა ძველებური დარბაისელი ქართველი აზნაურიშვილი იყო. ექვთიმემ პატარა გიორგი აღზარდა ღვთის შიშში და სამშობლოს სიყვარულში. ქართული წერა-კითხვა და ლოცვები გიორგომ მამისაგან ისწავლა. ეკლესია ისე შეუყვარდა, რომ არც ერთ წირვა-ლოცვას არ მოსცდებოდა. მამა ბევრჯერ ეტყოდა ხოლმე: „გიორგი, დილაზე ადრე ადექ შეილო, ცისკარს არ მოსცდე, თორემ მღვდელი წირვაზე სეფისკვერს აღარ მოგცემსო“. გიორგიც ჩაიყოლებდა გულში, ძილშიაც ახსოვდა მამის სიტყვა. ამას წინეთ აკაკიმ გვიამბო: „პატარა გიორგი თავის სწორებთან ბურთაობდა. ამ დროს საღამო ლოცვის ხარი დარეკეს, გიორგომ წამსვე ანება თავი ტოლ-ამხანაგებს და ეკლესიისკენ გაიქცა. გზაზე ქვას ფეხი წამოჰკრა და წაიქცა, ბავშვებმა უკიჟინეს, დაბრუნდით ურჩიეს, მაგრამ გიორგი ბავშვობითვე მტკიცე ხასიათისა იყო, ქული აიღო, ტანისამოსი გაიბერტყა და წავიდა ლოცვის მოსასმენათ“.

ათი წლის გიორგის უკვე წაკითხული ჰქონდა ქართული წიგნები და ხუცურიც იცოდა.



მერე მამამ გიორგი ქუთაისის გიმნაზიაში მიაბარა. გიორგიმ თან წაიღო თავისი საყვარელი ქართული წიგნებიც. როცა გიორგი რუსულ წიგნებს კითხულობდა, ჯავრი მოსდიოდა— „რატომ ამისთანა წიგნები ქართულ ენაზე კი არ არისო“. უფროს კლასებამდე რომ მიადწვია, აქ გაეღვიძა სურვილი რუსულ წიგნების მაგვარი ან დაეწერა, ან ეთარგმნა. ამგვარათ ჯერ გიმნაზიაშივე ცოდულობდა, ხან ლექსებს სწერდა, ხან რუსულ წიგნებს თარგმნიდა, მაგრამ ყველა ეს შრომა, რასაკვირველია, სუსტი იყო.

1860 წ. გიორგიმ სამაგალითოთ დაასრულა გიმნაზია და პეტერბურგის უნივერსიტეტში შევიდა, ბუნების მეცნიერების შესასწავლათ. ჯერ სტუდენტი იყო, რომ 1862 წელს „ექვთიმისძის“ სახელით დაიწყო წერა ქართულ გაზეთ-ჟურნალებში— „ცისკარში“ და „საქართველოს მოამბეში“. ამ წერილებმა მაშინვე დაიმსახურა საუკეთესო ქართველთა ყურადღება.

1866 წ. ახლათ დაარსდა ქართული სტამბა და გაზეთი „დროება“, ახალგაზნა გიორგი რედაქტორათ მოიწვიეს. ამ დღიდან იწყება მისი მუდმივი შრომა სალიტერატურო ასპარეზზე და გაბედული მოღვაწეობა სამშობლოს კეთილ-დღეობისათვის. „დროების“ რედაქტორობის დროს მეტის-მეტათ შრომობდა— დღე და ღამეს სტამბაში ატარებდა, თან სწერდა და თან უბრალო მუშასავით მუშაობდა. აუტანელი იყო ეს ჯაფა, მაგრამ გიორგი გატაცებული იყო ქართული მწერლობის სიყვარულით. სწორეთ ეს სიყვარული მას ამხნევებდა, შრომას სიხარულით ასრულებდა. 1871 წელს დაარსდა „კრებული“, სადაც ერთი პირველთაგანი ადგილი ეჭირა გიორგის წერით და საქმითაც. მანვე დააარსა „სასოფლო გაზეთი“.

მისი შრომა რომ უფრო ნაყოფიერი ყოფილიყო, მან განიზრახა ევროპის ცხოვრების ადგილობრივათ შესწავლა, კიდევ მეტი ცოდნის შექენა. 1873 წელს ბევრი რამ გაჰყიდ-გამოყიდა, გზის ფული შეაგროვა და ჩვენებურ ყმაწვილ ქალ-ვაჟთან ერთათ, წავი-


და საზღვარ-გარეთ. მოიარა ციურიხი, ჟენევა, შემდეგ მიუნხენი და სხვა. უცხო ქვეყანაში ბევრჯერ ჩავარდა გაქირვებაში, მაგრამ მხნემ და გამჭირახე გიორგიმ მაინც გული არ გაიტეხა—საქმეში უკან არ დაიხია. ერთი ნემეცური გაზეთის გავრცელება იკისრა, თითო ხელის-მომწერზე რედაქცია თითო მანეთს აძლევდა და ამით ირჩენდა თავს უცხოეთში.

სამშობლოში რომ დაბრუნდა (1877 წ.) რუსულ და ქართულ გაზეთებში იღებდა მონაწილეობას. საყმაწვილო ჟურნალებშიაც სწერდა, ჯერ „ნობათში“ და მერე 1890 წლიდან, „ჯეჯილის“ დაარსებიდანვე გიორგი თანამშრომლობდა ამ საყმაწვილო ჟურნალში. ჩვენს პატარა მკითხველებს უსათუოთ ახსოვთ მისი „გელათის მონასტერი“ (90 წ. № 5 და 6), „ღვთის-წყალობა“ (91 წ. № 3, 4 და 5), „ჩვენი ძველი გმირები“ (92 წ. ყველა ნომერშია), „შობა ქრისტესი“ (95 წ.) და სხვ.

აგრეთვე ბევრი თქვენგანი უეჭველია დამტკბარა მისი ცნობილი მოთხრობების წაკითხვით, მოიგონეთ „ჩვენი ცხოვრების ყვაილი“, „მამიდა ასმათი“, „ლომ-კაცი“ „პირველი ნაბიჯი“ და სხვ.

განსვენებულის გვამი დაკრძალეს თბილისში დიდუბის ეკლესიის გალავანში. ქართველობამ დიდი პატივი სცა თავის ღირსეულ შვილს. საქართველოს ყოველი მხრიდან და აგრეთვე რუსეთის ყველა უნივერსიტეტის ქართველ სტუდენტებისაგან დიდძალი სამძიმრის დეპეშები მოუვიდათ განსვენებულის ღირსეულებს, ამასთანავე თითქმის ყველა დაბა-ქალაქებიდან დეპუტაცია დაესწრო დამარხვის დროს.


განსვენებული დიდი მოსარჩლე იყო დაბალი ხალხისა, მეტად რე ხელოვნების და მუშებისა. ამათაც ღირსეულათ დააფასეს გიორგის ღვაწლი: გოლოვინის პროსპექტიდან დიდუბემდე (4 - 5 ვერსი) ხელით მიასვენეს განსვენებულის კუბო, რომელსაც მისდევდა აუარებელი ხალხი და სამი ბალდახინი გვირგვინებით დატ-



ვირთული (60-ზე მეტი იყო). ვიღრე მიწას მიაბარებდენ, აქ საფლავის პირზე ბევრი სიტყვა ითქვა. წარმოსთქვა სიტყვა-სიტყვა: პეტრე უმიკაშვილმა, ვოლსკიმ და სხვ.; წაკითხულ იქმნა ლექსი განდევილისა, შიო მღვიმელისა და სხვ.


განსვენებულს ღმერთმა საუკუნო სასუფეველი დაუმკვიდროს და ჩვენს ერსაც ბევრი მოუვლინოს გიორგისთანა ნიჭიერი და უღალავი საზოგადო მოღვაწე, სამშობლო ქვეყნის კეთილ-დღეობისთვის მებრძოლათ.

ი. ა. ს.



საახალწლო სურათი




 ერაში ცეცხლი გუსგუსებს,
 ციმციმებს ალი ალსედა;
 გარშემო სხედან ბავშვები,
 ძილი არ მოსდით თვალსედა.

დედა ჰურსა ზელს, ბებიას
 მოაქვს ხაჭო და უველია;
 ქოთნით რძე შესადეღებლათ
 შავ-ძროხის მონაწველია.

მამა საფუტკრეს ეოფილა,
 მას თაფლი მოაქვს გობითა,
 ვით ქარვა, ისე ბრწეინავენ
 ფიჭები გარეკნობითა.

კალათში რაღა აწევია? —
 ვაშლები, ბროწეულია,
 ჩურჩხელა, ტკბილი კვერები
 და მსხალი მოწეულია.

კერის ახლოს მჯდომარე
 ჩიჩილაკებს თლის ბაბუა;

ტებილათ უმსერენ ბავშვები

სუფეულა კისერ-ღაბუა.

იოსამ გუდ განსეკილ კატუნას

ნეტავი რაღა სწადია?

ესეც გრძნობს ალბათ, რომ სვალე

სხალი წელიწადია...

დედა შვილთ ემუდარება—

დაწექით, გენაცვალეთო,

ამდენ სანს ჯდომა-მსერითა

განა არ დაიღალეთო?!

ზირჯვარი გადაიწერეთ,

დალაგდით, დაიძინეთო,

დილაზე ადრე ადექით

და ტებილათ მოილხინეთო.

თმა-ქოჩორ გადავარცხნილი

ახალ-წელს მიეკებეთო

და ბეჯითობა საქმეში


იბედეთ, დაიკვებეთო.

დ. თამაშვილი.





ՆԱԿԱՅԵՆԷՐ
ՆՈՇԷՆՈՒՄՈՒՅՆ



პ ა ტ ა რ ა ი ე ს ო

(ლეგენდა ფრანგულიდან)




სალწლის განთიადია, ცივი, სუსნიანი, მაგრამ ნათელი. პატარა იესოს მოეწეო უკვე ეველა ოჯახი, ეველასათვის მიეცა ნუგეში და აპირებდა ქალაქიდან გასვლას. მას წინ მიუძღოდა მოხუცი წელიწადი გათეთრებული, გრძელი წვერით, ბოხონი ქედით, წულში მოხრილი, რომელსაც ხელში ეჭირა შობის-სე ფერად-ფერადი სანთლებით ანთებული.

პატარა იესო თეთრ ტანისამოსში იყო, ოქროს ფერი თმის კულულებით, თავსე სწივების გვირვინი ეღვა.

— ახლა ხომ მოვრჩით ჩვენს საქმეს, უფალო! უთხრა მოხუცმა წელიწადმა.

— მართალია მოვრჩით, — სთქვა პატარა იესომ, ღვთიურის ღმილით. — დიდები ადიდებენ ღმერთს, პატარები კი დაჭხარიან თავიანთ სახუქრებს, რომლებიც ჩვენ ჩავუწეოთ ფეხთსაცმელებში.



— ანც ერთი ოჯახსი არ მიგვიტოვებია ისევე როგორც
თქვენ, უფალო, ნუგეში არ გეცათ. კიდით-კიდემდე სომ
მოვიარეთ, ახლა გვეყოფა, — სთქვა მოღალულმა მოხუცმა
წელიწადმა და თან სიცოცხით კბილი კბილს აცემინებდა.

— წავიდეთ, — დაეთანხმა ჰატარს იესო და ერთი კი-
დეგ გადახედა მიძინებულ ქალაქს.

გვიან იყო. ეკლესიების ხარების რეკა შესწვდა.

წინარის ნაბიჯით გასწიეს ორივემ. დაფერფლილ თო-
ვლზე მათი ფეხის ხმა არ ისმოდა. აჩრდილებსავით მიდი-
ოდნენ, ნამდვილ მოჩვენებას გვანდნენ.

ერთბაშათ ჰატარს იესო შედგა, გაბრწვინებული თვა-
ლებით გადახედა არე-მარეს და სთქვა:

— ეს რა სახლი მოჩანს, ჩვენ იქ არ ვეოფილვართ!

ჩაშვებულათ, ჩაბნელებულათ, რაღაც ნაღვლიანათ გა-
მოიუურებოდა ეს სახლი, მაგრამ როდესაც ჰატარს იესო
მიუახლოვდა, მივარემ უცბათ გაანათა.

— ეგ საჭეობილე განლაგო, უფალო, — უთხრა მო-
ხუცმა წელიწადმა. ხედავთ მის ჰატარს სანათურებს რკი-
ნის ბადეებით?!

ჰატარს იესო მწუხარებამ მოიცვა და წარმოთქვა:—
შევიდეთ შიგ?

— უფალო ჩემო, რას მივცემთ ჰატიმრებს?

— სინარულს.

— მანდ სომ ემაწვილები არ დაგვიხვდებიან!



— რა ვუყოთ. ხალხია, რომელიც სტირის.

— მანდ ვუელა ბოროტია, უფალო!

— ხომ შეიძლება დღეს ბოროტნი, ხვალ კეთილათ ვადიქცენ!

— ღვთის გულისთვის დანებეთ მაგათ თავი. წავიდეთ იქ, სადაც ანგელოზთა გუნდი მოგველის. ბოროტი საქმისთვის დამწვევდეულებს რითი უშველი?!


— მაგასე ნუ სწუხარ, — უთხრა ზატარა იესომ, — მე მინდა მაგათ გულში იმედი და ნუგეში აღვძრა და ასეც იქნება.

— უფალო, ძნელი საქმე გაგიზრახავს, შეუძლებელია. ეკ მხოლოთ დაჟინებაა.

— მე ხომ დღეს ზატარა ვარ და ჟინიანობაც მეზატეება.

მოხუცმა წელიწადმა თავი ჩაღუნა, მისცა გსა ზატარა იესოს და თითონ უკან ვაჭყვა.


ზატარა იესო უხილავათ შევიდა ჩაბნელებულ და წვედობით მოცულ საზერობილეში, თავისი ნათელით გააბრწვინვალა სატუსალო, ვუელასთვის სათითაოთ შეიტანა იქ იმედი და ნუგეში. არც ერთი კუთხე, არც ერთი კუნჭული, სადაც მხოლოთ ოხვრა და გლოვა მოისმოდა, არ დატოვა ისე, რომ უხილავათ გულზე და შუბლზე ხელი არ შეესო და ამითი სინანული არ ეგრძობინებინა მათთვის და არ მიეცა რწმენა მომავალისა.



დღესასწაულ დღეს ამათ შავი ზური სეფისკვართი დაეცათ და წელი ნათლი-ღების მირონათ.

იესო ქრისტემ ამ დღეს ეველას მიუტევა და მას შემდეგ ჩვენც ჩვეულებათ შემოვიღეთ დღესასწაულებსე ეველას მიუუტევოთ ხოლმე.

სნ. წ — სს.



მებაღე

(იგავი)



რომა კაცმა დაინახა, რომ მებაღემ ვირს თავში კეტი სდრუსა და სული გააფთხობინა.

— რა დაგიძვება, რათ მოჰკვალ ეგ უბედური ვირიო? — ჰკითხა იმ კაცმა მებაღეს.

— იმაზე მეტი რა უნდა დაეძა ვებინა, რომ ბოსტანში შემზარვია და ნათესი სულ გადაუკორტნიაო.

— ვისია ვირიო?

— ჩემიო.

— შე კაი კაცო, — უთხრა იმანვე მებაღეს: ვირმა რომ ბოსტანი წაახდინა, ეს არავისთვის არ არის საკვირველი; მაგრამ შენ რომ შენს თავს ერთი ხარაღი არ აკებარე და მეორეც სედ დაუმატე, ეს კი ძალიან ძალადგებო.

აღ. მ — შვიდი.



კატარა მებავთე

(სახალწლო ამბავი)



ქრისტიანობისთვის სუსნიანი დილან. ის დრო, როცა თბილისის ხელოსანი ხალხი უკვე საქმეს შესდგომია. მხოლოდ სუფთათ ჩაცმული, თბილ ზალტოებში გამწვობილი ჩინოვნიკები და მოწაფეები-და აჭრელებენ ქუჩების ტროტუარებს. ესენი ილლიაში ამოდებულ ზორტფელებით სეკით და ქვევით მიიქარინან. ეს დრო დილის რვა-ცხრა საათია.

ვერის ხიდის ჩასავალზე ამენებულ თავ-შესაფარში მრავალ ხალხს მოუერთა თავი. ეველან „კონკას“ უცდის: ზოგი სეკით, ზოგი ქვევით მიმავალ „კონკაში“ ჯდება. ამ დროს აქ ერთი აურსაური დგას: ზოგი ვის ენლებს, ზოგი ვის აწუდება, ზოგი მოსულ კონკაში ჯდება, ზოგი ისევ იქვე რჩება.

— გასეთი, გასეთი, დღევანდელი გასეთი არ გნებავთ? — ევიროდა ერთი ძველ ზალტოში გამოსვეული, ეურებსე ხელსახოც აკრული, გასეთებით ილლიაში 13—14 წლის ბავშვი და აწუდიდა გასეთის ნომერს „კონკაში“ მჯდომ ხალხს. ორიოდე მეზარმა იყიდა გასეთი და კითხვა დაუწყო; „კონკა“ დაიძრა, მეგასეთემ ისკუზა ძირს.

— გასეთი, გასეთი, დღევანდელი გასეთი! — დაიწყო რა ისევ ბავშვმა და მეორე მკსავრებით დატვირთულ კონკასთან მიიჭრა. აქაც რამდენიმე ნომერი გასეთისა გაჭვიდა, გროშები კმაყოფილებით ჯიბეში ჩაიხსრიბლა, ჩამოხტა მარდათ კონკიდან და ნელ-ნელა სელების ფშენეტით, მუნძულით ხიდისკენ გასწია.

— გაუძარჯოს კოსტას! — დაუძასა ფიქრებში გართულ მეგასეთეს ამხანაგმა.

— ოჰ, ტრიფონას გაუძარჯოს! — უზასუსა ზატარა მეგასეთემ.


— ჯერ კიდევ ადგილზე არა ხარ? რამდენს ხანს უნდა იწანწალო აგრე? — დაეკითხა ტრიფონა.

— მე მგონია, ამ ხელობასაც არა უშავს-რა, უსქმოთ მანც არა ვარ, — უზასუსა მეგასეთემ.

— მერე-და, გაქვს კი რამე მოგება? — შეეკითხა კიდევ ცნობის-მოუვარეობით ტრიფონა.

— ასე, ცოტაოდენი. ავ ბატონებთან დგომას ისევ ეს მიჩივენინან, — უზასუსა კოსტამ და გაუწოდა გასეთი ერთ „მეგასეთე“ მკსავრს, მაგრამ მკსავრმა ისეთი გასეთი იკითხა, რომელიც კოსტას არა ჰქონდა.

— აი, ის გასეთიც რომ მქონოდა, ზატარა მოგება კიდევ დამჩებოდა. შენა, შენ ბიჭო, კაი ადგილას ხარ? — დაეკითხა კოსტა ტრიფონს.



— ასე, არა მიჭირს-რა, ჯამაგირსაც კარგათ მძიღვე-
ვენ და წერა-კითხვაც მასწავლეს, — უზასუსა ტრიფონმა.


— მამ კარგია!.. ახლა-კი მძიღობით, თორემ ვაგუსა
ლსე დამიგვიანდება, — უთხრა კოსტამ ამხანაგს, ჩამოარ-
თვა სელი და დაეშვა თავ-ქვე სიღისკენ.

მატარებლის წასვლამდე ჯერ კიდევ ბევრი დრო იყო.
კვანთ, ვიდრე ვაგუსალსე მივიდოდა, კოსტა მანც არ ჰკარ-
გავდა უბრალოთ დროს. გამვლელ და გამომვლელს აწვიდიდა
გაზეთს და ვაგუსლისკენ მიმავალ კონკებსაც შეუჯდებოდა
სოლძე და ცდილ აბდა იქაც გაეუიღნა გაზეთი. ამ გვარათ
კონკასე შესტომ-გადმოსტომით მივიდა კოსტა ვაგუსალთან.
მატარებლის წასვლას ბევრი აღარა აკლდა-რა. ხალხით
გატენილი კონკები შედი-სედ იცლებოდნენ და ძირს ჩა-
მომსტარი ხალხი ცდილობდა ერთი-ერთმანეთისთვის გაე-
სწრო, ეველა ვაგუსლისკენ მიეჩქარებოდა. სოკი გატენილ
ხურჯინს მიაბზენინებს, სოკი ბოხჩას და სოკი რას, დე-
დები ზატარა შვილებს მიათრევენ: სოკი ტირის, სოკი
ევირის: ჩქარა, ჩქარა, ჩქარა, და სდვას ერთი ვაი-ვაგულა-
ნი. ვაგუსლის ჰირდაჰირ ქუჩიდანაც მგუსავრებოთ და ბარ-
კით დატვირთული ეტლები შედი-სედ მორასრასებენ.
ვაგუსლის წინ ხალხი და ეტლი, ქალი და ვაჟი, დიდი და
ზატარა ბუხებივით აიწივნენ. ზოლიციელებიც ვეღარას შეე-
ლოდენ. ეტლები თანდათან ემატებოდა. მიწოლა-მოწოლამ
უფრო იმატა, მოძრაობა, გასვლა-გამოსვლა გაჭირდა. «გუსა,



გაიარეთ, იქით, აქეთ, წინ, ტუპ, ახუ!» — გაისმოდა ეთერის მხრივ.

— ვაი დედავ! მიშველეთ... მიშველეთ... ააა! — გაისმა უეცრათ ეტლებე შუა შესაზარი ევირილი. ამ სმამ უფრო ააღელვა ხალხი. ცნობის-მოყვარეობამ უარესი დაძარბათ. ეველას უნდა ევირილის მიხეხის გაგება. ეველას იმ ადგილისაკენ მიაწედა. ვიდრე ზოლიციელები გააზობდენ ხალხს, ორ კაცს უკვე ხელით მოჭედავდათ მოტირბლე და ფერ-წასული ბავშვი. დაკეცილი გახეთების კონა ილლიაში დაებლუჯა და გასისხლიანებულ კეუასე ხელს იფარებდა. გულ-კეთილ კაცისაგან მონაცემ ხელსახოცით შეუსვიეს თავი, ერთმა ზოლიციელთაგანმა ჩაისვა ეტლში და ქალაქის საავადმყოფოში წაიუანა. ეს იყო ჩვენი კოსტა.




სტამბაში გასურებული მუშაობას: სვალის გახეთის ნომრისთვის ახალ ამბებს აწეობენ. ასოთ-ამწეობი კიტო უეცრათ შეჩერდა. საბეჭდ ასოების მებნას ხელი ანება. იმ ხელთნაწერს, რომლიდანაც ამბავს აწეობდა, დაკვირვებით დააცქერდა, და თითქოს არ სჯერბ ამონაკითხიო, უფრო ურბადლებით კითხვა დაუწეო. ფერი ეცვალა.

— ბიჭო, ეს რა უბედურება დაძარბთნია ჩემ კოსტას! — დაიძახა კიტომ და მიუბრუნდა თავის მეზობელ მუშას. მუშამ გაკვირვებით შესედა.

9217





— ეტლის ცხენების ფეხებ ქვეშ ჩავარდნილას და სხვა ვადმოფოფში წაუყვანიათ; თუ არ ვნახე არ შეძიმდინა, — სთქვა გიტომ, ანება საქმეს თავი და წავიდა სტამბის უფროსთან დასათხოვნელათ. მუშებმა კი დაწვრილებით წაიკითხეს კოსტას ამბავი.

ამ ამბავმა ყველანი შეაწუხა; სტამბაში ყველანი კარგათ იცნობდნენ კოსტას.

კოსტა იყო გიტოს ძმისწული. ჯერ კიდევ ათი წლისა არ იქნებოდა, როცა ის სრულიად დაობლდა; გიტოსა და ერთი დის მეტი მას არავინ დაჩინია. კოსტას და ქალაქში ერთ ხელოსანს ჰყავდა ცოლათ. გიტო ძმის სიკვდილის შემდეგ (რძალი უკვე კაი ხანი იყო მოჰკდომოდა) კოსტას სოფელში ველარ დასტოვებდა და ქალაქში ჩამოიყვანა. კოსტა თუმცა მამის სიკვდილმა ძალიან შეაწუხა, მაგრამ ქალაქში წასვლამაც ძალიან გაახარა; ეს იყო მისი მუდმივი ნატვრა. ჯერ ვიდრე კოსტა ქალაქს თვალს შეახვევდა და მოიზრდებოდა, გიტომ ერთ მსალობელ უფასო ჰირველ-დაწევებით სკოლაში მიიბარა. მერე რომ მოიზარდა, რადგან თითონაც მუშა-კაცი იყო და იმდენი შეძლებაც არ ჰქონდა, რომ კოსტასთვის სწავლა გაეგრძელებინა, და ერთ კაი ოჯახში მისცა მოსამსახურეთ. ოჯახი ძარბლაც კარგი გამოდგა, არ ჰგვანდა სსვა მრავალ ოჯახებს. და რა გაიკეს კოსტას სიობლაც, უფრო თანაგრძნობით ეკიდებოდნენ. კოსტას არა აკლდარა: კარ-

გათ აცემედეენ, კარგს სვამდა და კარგს სჭამდა. სასწრაფო სწავ-
ტრონის შეიღებოც მას წიერაკითხვას ასწავლიდენ. კოსტას
სიერთგულესაც სასლუარო არ ჰქონდა; სიზარმაცე, ხელის
სიმრუდე, მოტეუება მან არ იცოდა რა იყო. მაგრამ სამა-
კიერთ ზრდილობიანობა, საქმის მუყაითობა, ყველანფრის
ძალე განგება, დაკვირვება კოსტას საქმე იყო. ამასე ბატონ-
ნებმა უფრო შეიყვარეს.

ერთ დილას კოსტამ შეიტყო, რომ უფროსი ბატონი
სხვა ქალაქში გადუყვანიათ და მთელი ოჯახიც თან მიჰ-
ყავსო. ამ ამბავმა კოსტა ძალიან დააღონა, მაგრამ რას
ისამდა, უნდა გამოთხოვებოდა ამ ღვთისნიერ სალსს, რადგან
მისი მათთან წასვლაც შეუძლებელი იყო. დაჩნა კოსტა
უადვილოთ. ვიდრე ხელ-ახლათ კარგ ადგილს იმოვნოდა,
გიტოს თანსობით და დახმარებით გადაწვიტა გასეთებით
ვაჭრობა. გიტომაც ადვილათ მოასერსა თავის ნაცნობ
რედაქციიდან გასეთების გამოტანა. ადგილიდან გამოსუ-
ლის მეორე დღიდანვე დაიწყო კოსტამ გასეთების გაუი-
და. შეეჩნია ამ საქმესაც და სარგებლობასაც ხედავდა. კოს-
ტა თავის დასთან იღვა. დილა ადრიანათ ადგებოდა, წავი-
დოდა რედაქციაში, გამოართმევდა დახირებულ რიცხვს გა-
სეთის ნომრებისას და გასწევდა ქალაქის იმ კუთხეების-
კენ, სადაც მოსამსახურე ან მგზავრი ხალხი ბევრი იყო,
ან როგორც თვითონ კოსტა იმასდა, სადაც „სავასეთო“
ხალხი დაიარებოდა, დაჩნებოდა იქ, ვიდრე გასეთები იყო-



დებოდა, შემდეგ კაბრუნდებოდა შინ და საღამოობით მარტოხელ მესობელ კაცს ემსახურებოდა. აქედანაც ცოტადენი გამორჩენს ჭქონდა და ასე, ზოგი კაცთების მოკებით, ზოგიც მესობლისაგან ნახუქებით, კოსტა თავის საკუთარ შრომით იოლათ გამოდიოდა და არც ბიძას და არც დას არ აწუხებდა.

კოსტა ამგვარი ხასიათით ვეელას აუვარებდა თავს და ამიტომ, ვინც კი იმ დღეს მისი უბედური შემთხვევა გაიგო, ვეელას დანანდა. გიტოს წუხილს ხომ სასღვარო აღარა ჭქონდა. სტამბის უფროსიც ძალიან შეწუხდა, გიტო მამინვე განთავისუფლა მუშაობისაგან.


გიტო საჩქაროთ სავადადყოფოსაგან გაექანა. საშინლათ გაეხარდა როცა შეიტყო, რომ კოსტას მხოლოდ თავის კეფა აქვს მსუბუქათ გატენილი და ფესიც ცოტა ნაღრმობი. რადგანაც გიტო უდრო-უდროთ სავადადყოფოში არ შეუშვეს, განსახარებლათ კოსტას ფორთოხლები უეიდა და შეუკვანა. კოსტას ეს ძალიან იამა და შეუთვალა ბიძას, რომ ნაშობევეს უსათუოთ კარგათ შევიქნები და ახალ-წელს ერთათ გავატარებთო. გიტო განარებული დაბრუნდა სტამბაში და უამბო, როგორც იყო საქმე. ვეელას ესინამოვნა ჰატარა კოსტას მშვიდობით გადაჩენა. შობა დღეს გიტო და მისი ძმისწული ქალი მივიდნენ სავადადყოფოში და კოსტა ინახულეს. კოსტა სინარულით ცას დაეწია ამათ დანახვასე.


შობის მესამე დღეს კოსტა სავადადყოფოდან გამოეწერა

და თავისი ნათესავ-ნაცნობნი გახაზრა. დანარჩენი დღეებიც შინ ღარჩხა, ახალ-წელიწად დღეს-კი გადასწვეიტა უსათუოთ გასეთების გატანა. იცოდა, რომ იმ დღეს ბევრი გასეთი იეიდებოდა. ნათესავებმაც არ დაუძაღეს, რადგან სრულებით მორჩენილი იყო.

ახლაც არ შეუწვევებია კოსტას გასეთების ეიდვა (სხვა გასეთებიც იძოვა) და მოუთმენლათ მოელის ვაგზლის მეგასეთის ადგილს, რადგან ეს ადგილი თითონ მეგასეთებში ძალიან მოგებიან ადგილათ ითვლებს. ჯერ კი ვაგზლის ახლო-ძახლო ადგილებს არა სცილდებოდა. და თუ ეს არ მოუხდა, რედაქციაში გასეთის დამტარებელის ადგილს დაჰხირდნენ. მისცემენ კიდევც, რადგან კოსტას ისე იცნობენ, როგორც მშრომელ და საქმის ერთგულ ეძაწვილს.

ნიკო ხუცისშვილი.





ეროვნული
ბიბლიოთეკა




გ უ ზ ი.

(რუსულიდან)

გვენს სასლებში ბევრ ნაირი მწერი ცხოვრობს, მაგრამ ბუსი ეველანსე უფრო ძანებელია.

საფსუღში ძთელი გროვა ბუსისა დაფრინავს ჩვენს ოთახში და მოსვენებას არ კვამლევს: ჭამის დროს, ძილის დროს და მუძაობის დროსაც საშინლათ კვაწუხებენ, თავს კვაბესრებენ. სძირათ ჩაკვიცვივიან სოლმე წვეწმში და სხვა საჭმელში, იფლობიან მურაბაში, ისრჩობიან ჩაიში. ისიც რამდენჯერ მომხდარა, რომ ადამიანს უნებლიეთ ჩაუველანავს კიდეც. მაგრამ უმთავრესათ ბუსი იძითი კვაწუნებს, რომ ათასნაირ გადამდებ სენს და ჭირს ავრცელებს სოლმე ადამიანებში.

ეველანსე ძრეელ ბუსებს უევართ შაქარი და სხვა ტკბილეულობა. როცა სატკბუნებელი შემოაკლდებათ, მაძინ დაეცემიან სოლმე ხორცს, ჰურს, მწვანილს, რძეს და სხვას. როცა ბუსი ადამიანს ხელსე ან ჰირსე დააჯდება, ნამცეცაობს: სომ არაფერი დარჩა ადამიანის ხელ-ჰირსე ტკბილი რამ წვეწმი ან ნამცეცებიო. მეტადრე თუ კაცმა კემრეელ სადილს შემდეგ ხელ-ჰირ დაუბანელმა დაიძინა, შენი მტე-



რი, რა დღესაც იმას ბუხები დააყენებენ. ბუხები სასრულად
 ობენ ადამიანის ნერწყვით და ოფლითაც.

შემოდგომის ბოლო თვეებში, რაკი აცივდება, ბუხები
 თან-და-თან იკარგებიან, თავიდან გემორღებიან. სიცვივის-
 კან საშინლათ იქლიტებიან და ყოველ დღე აუარებელ ბუხს
 გამოვკვით სოლმე სასლიდან. სოლო ვეელანი კი არ ისო-
 ცებიან. სოკიერთა ბუხი, მეტადრე ახალგაზდა, სადმე კედ-
 ლის ნაწრალში, ან ტანტის ფიცრების ნახეთქში იმალება და
 აქ მიძალულ ადგილებში, ღრმა ძილით იძინებს.

მაგრამ საკმაოა მხის ცხელმა სხივმა გული გაუთბოს
 მძინარე ბუხს, ის მაშინვე გამოიღვიძებს და ოთანში
 მოჭეკება ფრენას. გაზაფხულზე, აწრილის თვეში, ბუხები
 იღვიძებენ და კვერცხების დებას შეუდგებიან სოლმე. თი-
 თო დედალი ბუხი ერთბაშათ სდებს ოთხმოცამდე ზაწაწა
 თეთრ კვერცხებს. ნაგავს, ჭუჭყს და უსუფთაობას ბუხი მე-
 ტათ ეტანება, იმიტომ რომ საცა ისრწნება და ღწება რა-
 მე, ბუხი კვერცხებს ამ უწმინდურებაში სდებს. ამგვარ ად-
 გილებათ ბუხს მიანნია: საქონლის ზატვი, ზურზე მო-
 კიდებული ობი, დამწალი რამ ნაჭერი, ყოველი კუთხე ოთა-
 ხისა, საცა კი მეტის-მეტი უსუფთაობაა. ნაგავში და იატაკის
 ფიცრის ნახეთქებშიაც სძირათ სდებს ბუხი კვერცხებს. ბუ-
 ხებმა კარგათ იციან, რომ ამისთანა ადგილებში იმათი ჩა-
 მოძავლობის საკვები უსრუნველი იქნება. გამოიხეკებიან
 თუ არა ყოველივეს რაც ისრწნება, სჭამენ და სედ ფუთ-
 ფუთებენ.


მაგრამ დედან ვერ უბედავს,
რადგან გუშინ განაწილა.

ველარ განძლო, მიიღბინა,
მოესვია დედან ეელსე,
აკოცა და ჩუმათ უთხრა:
„ჩემო დედა, გავალ მსესე!“

„— არა, შვილო, ჯერ უინული
არ გამდნარა საკმაოთ ძირს,
ერთი ფეხი რომ ავიცდეს,
მთლათ დანიტვრევე ცხვირისა და ჰირს“.

და ამ სიტყვით წარბ-შეერილი
მოიშორა დედამ სანდრო,
მაგრამ ცოტა მოცდის შემდეგ,
ცუგრუძელამ ისელთა დრო.

ჩუმათ გაძვრა, განაზრა,
ჩაჭყვა კიბის ძირს ჩასავალს,
და რამდენსაც ჩაცსდებოდა,
იბდენს სემოთ ავლებდა თვალს.



რომ დაწმუნდა ვერ მხედვენო,
 გაეხარდა, გაიცინა,
 შეკუნტრუშდა და უნდოდა
 ძირს სულ სტუნვით ჩაეზბინა.

მაგრამ ფეხი ნაყინავსე
 ვერ მოიღვა ვერა ძალით,
 სტუნვის ნაცვლათ უირამალს
 ძირს ჩაგორდა კოტრივლით.

კვერდები სულ დაიჩეჩვა,
 ცხვირ-პირიდან სისხლი ჰღვარა,
 ფეხი იღრძო... დააწვინეს
 და ორ კვირას არ ამდგარა.

კანდკილი




საკვირველებანი ბუნებისა

№ 4.

კინგზურუ ანუ ბუმბიკი

(Macropus major)



ირველივე შესედვით დარწმუნდება კაცი, რომ კენგურუ ძლიერ საკვირველი ცხოველია. თავიდან მოყოლებული საშინელი წვრილია და ძერე კი თანდათან სულ მსვილდება, ვიდრე შუა წელამდე. ერთი

ნახევარი ტანისა სრულიად შეუფერებელია მეორისა. მისი თავი, მკერდი და წინა ფეხები ისეთი წლიოკია და სუსტი, თითქოს ჯერ კიდევ დაუსრულებელიაო; სამაგიეროთ მეორე ნახევარი ტანისა შეუდარებლათ ღონიერი, მსხვილი და მთლანთ დანსრულებული აქვს. თავი უკავს თითქო ირემს და თითქო კურდღელსაც. უკანა ფეხებსე სამსამი თითი აბია, ხოლო შუათანა კაცილებით დიდია და იმ თითსე ფრჩხილიც დიდი აქვს, ჩლიქს მიუგავს. წინა ფეხებსე ხუთ-ხუთი თითი აბია, მოძრგვალებულის კლან-



ჭებით. წინა ფეხები მას ბევრს არაფერში არ გამოიყენებოდა, კენგურუს შეუძლიან აიღოს საჭმელი და მიიტანოს ზირთან, ანუ თუ გაჯავრებულია, სილა გაართვას რომელიმე მოწინააღმდეგე კენგურუს და ან თავის ურს შეიღოს. უკანა ფეხები-კი ღონიერი თემოებით, უდიერი გრძელი კლანჭებით და მსხვილი თითებით, მისი ნამდვილი სასტოპი იარაღია; ისეთი სწრაფი და შორი-შორს გადასტოპა იცის ამ უკანა ფეხებით და გრძელი ღონიერი კუდის შემწეობით, რომ კაი ნაქებ ირემსაც გაუჭირდება მასთან გაჯიბრება. სტომის დროს ძარჯვენა ფეხს ადრე იღებს ადგილიდან და ადრევე სდგამს და თან უფრო წინ, მოძორებით, ვიდრე მარცხენას.



სიმაღლით დიდი მამალი კენგურუ, როცა ის წამოასკუპებულა თავის სამფეხა სკამზე, თითქმის მდგარ კაცთან მოვა. სიგრძით ორი არშინი და ოთხი გოჯია, ცალკე კუდის სიგრძე—ერთი არშინი და ოთხი გოჯი აქვს; წონით ოთხიდან ხუთ ფუთ ნახევრამდეა. დედალი მამალზე ერთი მესამედით ნაკლებია. ბალანი აქვს სშირი, წმინდა და თიუთიკივით რბილი, ფერი აქვს მკრთალი და რიჩინისა.

კენგურუ დღის ცხოველია. სძენა აქვს კარგი, მხედველობა უფრო სუსტი, ენასვა უხეირო. გონების გამჭრია-



ხობს სულ არ უვარგა: გულ-მავიწყია, წინდაუხედავი, უბედავი; ჩქარა იცის აღელვება და ჩქარავე დამძვიდება; მსდალია და მშიშარა მეტის-მეტი,—ჩიტსაც-კი შეუძლიან გადაუბრუნოს გული—უბრალე შეფთხობილებით. მასთან საოცარი ცნობის-მოყვარეა,—რაც უნდა დიდი გაჭირვება ჰდგეს და რაც უნდა საშიშარ რასმე გაურბოდეს, მით მანაც ვერ მოისვენებს, რომ, ამ გახურებული სტომის დროს, თან ხშირ-ხშირათ უკან არ გაიურებოდეს თავისი მღვანული მტრის დასათვალიერებლათ და ხშირათ მომხდარა, რომ სწორეთ ამ დროს, ამ უკან-უკან ცქერაში, ისე მდგრათ დასჯახებია წინ მდგარ ხეს ან ქვას, რომ იქვე ფუხები გაუფშკვია.

სცნოვრობს მხოლოთ ავსტრალიაში. უევარს ფართო, ტრიალი მინდვრები, მწვანე ბალახით მოსილი და მდიდარი მცენარეულობით შემკული. სჭამს კენგურე სხვა-დასხვა მცენარეულს; ამჯობინებს უფრო ბალახსა და ფოთოლს, თუძცა არ სწუნობს აგრეთვე ფესვებსა და ძირებს, ქერქს, ნეკერს, ნაყოფს. მოსწევეტავს თუ არა რაიმე ნოვიერ ბალახს, დასკუბდება უკანა ფეხებსე და კუდსე, როგორც სამფენა სკამსე და ასე ნებივრათ და მედიდურათ შექცევა კემრიელ სჭმელს. როცა გაძლება, დაკმაყოფილდება, გადაგორდება კვერდსე და გაშლართავს მეტის-მეტ კრძელს უკანა ფეხებს.

თუ შენიშნა მცირე რამ საშიში, კენგურე იმ წამსვე



გაიქცევა სოლძე. ის მისთვის მარტო უკანა ფეხებით იდგება, რამ მის სტომასთან ვერ მოვა სისწრაფით ვერც ერთი მუშუ-წოვარი ცხოველის სირბილი. ამ დროს ის მიიკრავს ჯერ გულსე თავის წინა ფეხებს, კანსჭიმავს კუდს, და აჭერს, რაც ღონე აქვს, მიწას უკანა ფეხებს, ისეუძებს ძაღლს და ჰჯერში ისარვიით გადაეშვება. თუ ვინცობაა საშიში არა არის-რა, მაშინ იმისი სკუპი ერთ საჯენსე ცოტა მეტია, მაგრამ თუ გაურბის რასმე, თითო იმისი ნახტომი ერთი სამათ მეტია. სტომის დროს მისი ძარღვიანი გრძელი კუდი მით უფრო მეტს ქანაობს, რაც ნახტომი დიდია. სკუპი მისდევს სკუპს დაუყოვნებლივ, შეუწყვეტლათ და მასთან თითო მისი ნახტომი სიგრძით ოთხ საჯენამდეა, სიმაღლით ოთხ არშინამდე. მას შეუძლიან ირბინოს ასე, დაუღალავათ, რამდენსამე საათს. მთა-გორიან ადგილებში კენგურე, რასაკვირველია, თავდაჭერილია: მისთვის ნელა და მოკლე-მოკლეთ, ეშინიან, — უირამალა არ გადახაროს.

რასაკვირველია, კაი ძაღლი უნდა ჰქავდეს, ვინც იმის დაჭერას მოინდომებს, მაგრამ მისი მომწვევი ძაღლი ძალიან იშვიათია. თუ ადგილი ბუჩქნარია, მონადირე ჩქარა ანებებს თავს მის დევნას, რადგან კენგურე სტომით გადადის ბუჩქებსე და ძაღლმა-კი სათითაოთ უნდა ურბინოს კარს ეველს ბუჩქს. თუ გაუჭირდა საქმე და ახლო წყალი დაინახა, გადაეშვება წყალში, სის შიკ არსეინათ თავისი

სიმაღლის მოწებადებით და უცდის ძაღლებს: იქ იმათივე
 თითაოთ აუერუქელაგებს წყალში, და რომ გააბრუებს,
 ამოიღებს ქვეშ. ხმელეთსედაც იცის თავის დაცვა ძაღლების-
 გან: მიეუდებთ სურვით ერთ რომელსაჲ სქელ ხეს და თათო-
 თითოთ სძლევეს ეოველთვის ძაღლებს თავისი ღონიერი უკანა
 ფეხებით. ძაგრამ ევროპიელებსაც, მის საუბედუროთ, ამ
 ბოლო დროს ისე ჭეავთ დაწვრთნილი ძაღლები, რომ სა-
 თითაოთ არ ეცემიან და უსათუოთ ეველანი ერთათ შეუ-
 ტევინ სოლმე და სჯობნიან. თუნდ ესეც არ ეოფილი-
 ეო, ისე ბევრ ნაირ სერხსა სძარობენ მის მოსაკლავათ,
 რადგან ბევრგვართ არის გამოსაყენებელი, რომ ლამის
 სრულიად მოსზონ ქვეყნათ ეს უვნებელი, სასიამოვნო და
 სასარგებლო ცხოველი.

კიდევ სხვაფორივ არის კენკურე შესანიძნავი, — ის ეკუ-
 თვნის „გუდოსანთა“ მოდგმას. ამ მოდგმის ცხოველებს,
 ეველას ძალიან ადრეულათ უჩნდებათ შვილი და, რასაკვირ-
 ველია, ზირველ დაბადების ხანში მათი შვილები სრულიად
 დაუსრულებელია, არა ჭკვანან არაფრით თავიანთ მძობ-
 ლებს. ამისათვის ბუნებას მიუნიჭებია მათთვის ისეთი
 მოწყობილობა, სადაც ახლათ დაბადებული ღლანი შეიძ-
 ლება განვითარდეს და დასრულდეს სწორეთ ისე, როგორც
 თავის დედის კვაში. ეს არის გუდა, ესე იგი, დედალ
 კენკურუს აქვს მუცელთან გარედან ამოკრული კიდევ ერ-
 თი ზირი ტყავი, სწორეთ ისე, როგორც ნამდვილი გუდა.



მზავლდება კენგურუ ძლიერ ნაკლებათ, — იშვიათად რადისმე გაახენს კენგურუ ერთსე მეტ შვილს. მზავლდება სოლმე მხოლოთ 39 დღეს და ამ სნის შემდეგ ახენს შვილს, ნამდვილ შვილს გუდოსანთა კვალობასე. დედა იყვანს მას ჰირით, სწევს ორივე ხელით თავისი გუდის ჰირებს, ჰსვამს შიგ იმ ნამცეცა უსუსურ ღლანს და თითონვე მოაკიდებინებს ჰირს მუძუს თავსე.

გახენიდან თორმეტ სანთს შემდეგ რომ ჰხანსო, აი რას წარმოადგენს: სიდიდით ძლივს ნახევარ გოჯსე დიდია; რბილია, სინათლე გასდის (გამჰვირვალა), ჰიასა ჰგავს; თვალები დახუჭული აქვს; ყურებისა და ნესტოების ადგილი მხოლოთ აღნიშნულია; ფეხები და გუდი ჯერ არსად ემჩნევა. სრულებით არაფრითა ჰგავს მშობელს, — ეს ჯერ მხოლოდ უბრალო ნასკვია, ვიდრე რომელიმე ჰირუტევის შვილი. მცირეოდენი სნის უკან აჩნდება აგრეთვე ჰაწია გუდი და ფეხები, ხოლო იმ დროს წინა ფეხები უფრო გრძელი აქვს, ვიდრე უკანა. ჰკიდია ასე, გაუნძრევლათ მუძუს თავსე და საკვირველიც არ არის, რომ მას მუძუს წოვნაცუკი არ შეუძლიან თავისთავათ, მაგრამ ბუნება გონივრულათ არის მოძარბული და აქაც, ამ შემთხვევაში ისე მოუწევია კენგურუს მუძუ, რომ ის თავისთავათ აწვეთებს მას რძეს და მასთან ისე მაგრათაცა აქვს მოკიდებული იმის ჰაწია ტუჩებს მუძუს თავი, რომ თუნდ თითონაც მოინდომოს, ვერ მოვარდება დედის მუძუს.

როდესაც ჰატარა კენგურო ბალნით იძოსება, არ მასწავლებს
 შინ ის ერთბაშით უმატებს სრდსაც და იწეებს ავ-
 რეთვე ხან თავის, ხან ფეხების და ხან კუდის გამო-
 ყოფას გუდიდან. სრული რვა თვე რჩება ასე დედის
 გუდაში. ამ დროს დედა თუძცა არ აკლებს თავის კვლავინ-
 დებურ სიყვარულსა და სრუნვას, მაგრამ მანც ნებას აძ-
 ლევს მამასაც თავისი შვილის ნახვისას. ხოლო თუ აქამ-
 დე მოეთხოვნა ცნობის-მოყვარე მამას სავგარელი შვილის
 ნახვა, დედა არა თუ ახლო არ მიუშვებდა, ჯავრობასა და
 ბუსღუნს მოუყვებოდა და ხან თათებსაც შეუღერებდა და
 სრტეძელათ. როდესაც დედა მოიწადინებს საითმე გადას-
 ტმას და ამ დროს შვილს თავი აქვს გუდიდან გამო-
 ყოფილი, ის ჯერ ნახათ დასწევს ძირს და თუ იმ
 წამსვე არ გაუგონა, თავშიაც ჩაუკაკუნებს. ბოლოს და ბო-
 ლოს ის სრულებით ამოდის გუდიდან და ერევა დიდებში,
 მაგრამ თუ შენიშნა, თავის ჭკუაში, საშიში რამ, ისკუჭებს
 ხელათ და ყირანძალა ჩასტება დედის გუდაში, ამო-
 ტრიალდება შიგვე წამს, ამოჭყოფს თავს და მასწავლათ
 გამოიყურება — ნახე, რა უშიშარ ადგილას ვარო!

თუ რამდენათ უგვარს კენგუროს თავისი შვილი, აქე-
 დან შეიძლება წარმოვიდგინოთ: როდესაც ის საშიშ მდგო-
 მარობაშია, ჯერ ეგვლასე წინ ამოიყვანს გუდიდან შვილს,
 მიჭმალავს სადმე ბალახებში ან ბუჩქებში და გარბის, რაც
 ძალი და ღონე აქვს; თან სტომის დროს სულ იქით გა-

იეურება, სადაც შვილი ჭეკვს მიძალული. მონადირეც მის
 დევს მას გაშმაკებული და ამისთანა შემთხვევაში შეტეხი
 თითქმის მუდამ უვნებელი რჩება.

დალა აღნიშნული.



თავდადებულ ქართველი ეჯიბი

(საქართველოს წარსულიდან).



როდესაც მეცამეტე საუკუნეში მონგოლთა ჯარმა დაიპყრა სპარსეთი, მცირე აზია ზე საქართველო, მისმა წინამძღოლებმა, რომელთაც მონგოლურად ნოინები ერქვათ, ყოველ-გვარი ძვირფასი ნადავლი გაუგზავნეს თავის ხელმწიფეს მანგუყაენს. ამ მანგუყაენს სატახტო ქალაქად ჰქონდა ყარაყურუმი, რომელიც იღო აღმოსავლეთით კასპის ზღვის იქით და დაშორებული იყო საქართველოზე თითქმის ნახევარ-წლის სავალ მანძილზე. მრავალ ნადავლავთან ერთად ნოინებმა გაუგზავნეს მანგუყაენს თავისი მოხსენება, შესახებ სპარსელების და ქართველების რჯულისა, ადათისა, წეს-წყობილებისა, ჩვეულებისა და ზნისა. ამ მოხსენებაში ნოინები მეტად დიდი ქებით იხსენიებდნენ ქართველებს. „ქართველებმაო, სწერდნენ იგიგი, ვაჟკაცურად იბრძოლეს სამშობლოს დაცვისათვის და ვაჟკაცურადვე დაგვემორჩილნენო; მათ აქეთ რჯული კეთილი, სძულთ სიცრუე და მათ შორის არ მოიპოვება არც მწამლავი და არც მხიბლავიო. მაგრამ სპარსელებს კი თავისს მოხსენებაში იგინი მიწასთან ასწორებდნენ. სპარსნი არიანო ცრუნი, მოღალატენი, ფიცის გამტეხნი, ურცხვად ბიწიერნი, მათში ჩუმი მკვლევები და მომწამლავი ბევრნი ურევან და ამისთანანი სპარსელებს არამც თუ არა სძულთ, პატივითაც ვეპრობიანო.

ეს მოხსენება რომ მანგუყაენს მიუვიდა, ნოინებს გამოუგზავნა შემდეგი ბრძანება: რადგანაც ქართველები ღირსეული ხალხი ყო-




ფილა, პატივით მოეპყარით და ბრძოლის დროს თქვენს გვერდით იყოლიეთ; სპარსელებს კი მუსრი გააფლეთ, მათნი მთავარნი დაატყვევეთ და აქ გამომიგზავნეთო.

ამ ბრძანების მიღების შემდეგ ნოინებმა საჭიროდ დაინახეს, რომ ჩვენი ქვეყნიდან გაგზავნილ ყოფილიყო ყარაყურუმში რომელიმე უწარჩინებულესი დიდებული ქართველი, მაღლობის გადასახდელად მანგუ-ყაენის წინაშე. იმ დროს ქართველ დიდებულთა და ერისთავთა შორის პირველი ადგილი ეჭირა მესხეთის ერისთავს, რომელსაც განსაკუთრებული ტიტული ანუ წოდება ჰქონდა მინიქებული და ერქვა ათაბაგი, საიდგანაც ძველს მესხეთს დაერქვა საათაბაგო. ამ ამბის წინედ გარდაიცვალა ივანე ათაბაგი და მისი ადგილი დაიჭირა მისმა უფროსმა ვაჟმა ავაგმა, რომელიც აქამომდე იყო ამირ-სპასალარი ანუ მთავარ-წინამძღოლი მთელის საქართველოს ჯარისა. აი ეს ათაბაგი ავაგი, როგორც უწარჩინებულესი გვამი, არჩეულ იქმნა გასაგზავნად მანგუ-ყაენტან მაღლობის მოსახსენებლად.

ავაგი უნდა წასულიყო ჯერ ბითო-ყაენტან, რომელიც იჯდა ჩრდილო კავკასიაში და რომელსაც ემორჩილებოდა მაშინ მთელი რუსეთი, და მერმე აქედან გამგზავრებულიყო დიდ-ყაენტან ყარაყურუმში. ავაგმა თან გაიყოლია ამაღა მისი უფროსით, რომელსაც მაშინ ეჯიბი ერქვა. ეჯიბად ავაგსა ჰყავდა კაი გვარის კაცი, ძე გამოჩენილის ივანე ახალციხელისა, სახელად დავითი. რუსეთისაკენ მიდიოდა იმ ჟამად მხოლოდ ერთად ერთი გზა, სახელდობ ისა, რომელიც ახლაც მისდევს არაგვისა და თერგის ხეობასა. ავაგი წამოვიდა ახალციხიდან, გამოიარა თბილისზე და აქედან გასწია რუსეთისაკენ.

გზაზედ ეჯიბი დავითი შიშმა აიტანა: ვაი თუ ნოინებმა ბოროტი განზრახვით გაგზავნეს ავაგი სამონგოლოში და მისი დაღუპვა უნდათო. არც საკვირველია ასეთი განზრახვა მტრისაგანაო. ავაგი ახლა პირველი ვაჟკაცია საქართველოში, ფრიალ გამოცდი-



ლი მეომარი და წინამძღოლი ჯარისა, დიდი სახელის და გავლენის მქონეა და მონგოლებს მისი შიში უნდა ჰქონდეთო. მას შემდეგ უძლიან ისარგებლოს პირველივე მარჯვე შემთხვევით, პირველივე მონგოლთა გაჭირებით და გაანთავისუფლოს მათი უღელისაგან სამშობლოო. ეს მონგოლებს კარგად ესმით და ძალიან შესაძლებელია, რომ მათ სწადიანთ ავაგს რაიმე ბოროტი დამართონ, ცუდი რამ აუტეხონ, სიცოცხლეს გამოასალმონო. რამდენი ჩვენებური სამავალითო ვაჟკაცი გამოუსალმებიათ წუთი-სოფლისათვის სპარსელებს თავისი ცბიერებით და ვერაგობით, და ესევე მოსალოდნელია მონგოლთაგანაო. ეს თავისი შიში ევჯიბმა დავითმა განუზიარა ათაბაგს ავაგსა და დაუმატა: ბევრი ვიფიქრე, ბევრი ავიღ-დავიღე და ერთი კარგი ხერხი მოვიგონე, რომელზედაც შენც უნდა დამეთანხმოო.

— რა ხერხიო? — ჰკითხა ავაგმა.

მე დავირქმევე ბატონის ავაგის სახელსა, შენ დაირქვი ევჯიბი დავითის სახელი და ასე ვეჩვენოთ მონგოლებსა და მათს ყაენს ბითოსაც. თუ მართლა შენ მოკვლას გიპირებენ, მე მომკლამენ და შენ გადარჩები, რადგანაც ერთი ვილაც ევჯიბის სიკვდილი მათთვის რა სანატრელიაო. მე ერთი უბრალო ქართველი ვარ და ჩემი სიკვდილით საქართველოს იოტის ოდენა არაფერი დააკლდება; შენი სიკვდილი კი დიდი უბედურება იქნება მთელის ჩვენის ქვეყნისათვის, რადგანაც ყველა შენგან მოკვლის ხსნასა და განთავისუფლებას მონებისაგანო.


ავაგმა მხურვალე მადლობა გამოუცხადა თავისს ევჯიბს ასეთი სიყვარულისა და თავდადებულობისათვის; მაგრამ სათაკილოდ მიიჩნია თავისათვის ასეთი შიში და ასეთი თავის-დამალვა და ცივს უარზე დადგა. ამ უარზე მტკიცედ იდგა მთელის მოგზაურობის დროსა და დავითის დაეინებული ცდილობა ამაოდ მიდიოდა. მაგრამ ბოლოს დავითი ისე მხურვალედ შეევედრა ავაგსა, რომ იძულებული გახდა დათანხმებულიყო.



განვლეს საშინელი გზა კავკასიონის მთებში, გადვიდნენ ნიკით და მივიდნენ მონგოლთა ბინაზე. მოახსენეს ბითოს ქართველების მისვლა, და მან ისინი დაიბარა თავისთან სანახავად. პირველად ბატონურად შებძანდა დავითი და წარსდგა ბითოს წინაშე, ვითარცა ავაგი, მას შეჰყვა და უკან დადგა ავაგი, როგორც ვითომ უბრალო ეჯიბი.

მაგრამ წარმოიდგინეთ დავითისა და ავაგის განცვიფრება, როდესაც ბითომ მათი ნახვით გულ-წრფელად გაიხარა, თავაზიანად მოეპყრო და დიდი პატივი უჩვენა „მრავალთა დღეთა შორის“. დავითმა დაინახა, რომ მისი შიში სრულიად უსაფუძვლო იყო, რომ ბითო მოშორებული იყო ყოველს ბოროტს განზრახვას ქართველების წინააღმდეგ. რაკი ამაში დარწმუნდნენ ეჯიბი და მისი ბატონი, გადასწყვიტეს სიმართლე გამოემყდებინათ.

ერთ დღეს ბითომ მოინდომა ავაგის ნახვა. ავაგი აქამდის მეორედ შედიოდა ხოლმე ეჯიბის სახით; ახლა კი პირველად შევიდა ბატონის სახით, და მას უკან მოექცა დავითი, ვითარცა ნამდვილი ეჯიბი. ეს რომ ბითომ იხილა, გაოცდა და მრისხანედ ჰკითხა ავაგსა: „განა იმდენი არ იცი, რომ შენს ბატონს წინ არ უნდა დაუდგე და იგი უკან არ უნდა მოიქციო?“ მაშინ დავითი ცოტათი მიუახლოვდა ბითოსა და ღიმილით მოახსენა: „დიდო და გამარჯობულო ხელმწიფე! ეგე არს ბატონი და მე მონა მაგისი“. უარესად განცვიფრებულმა ყაენმა ჰკითხა მიზეზი ასეთი მათის ყოვლად უცნაური საქციელისა. დავითმა კვლად მოახსენა: „დიდო ყაენო! ჩვენ სრულიად არ გვსმენოდა გულკეთილობა თქვენი და არ ვიცოდით, თუ რას შეგვამთხვევდით. მე ამიტანა შიშმა ჩემის ბატონის მოკვდინებისამ და ბევრი თხოვნისა და ვედრების შემდეგ იგი ძლივ-ძლივობით დავითანხმე, რომ მე ბატონად გამოვცხადებულებიყავ თქვენს წინაშე და იგი ჩემს ეჯიბად. ეს იმ განზრახვით, რომ თუ მაგას თქვენგან სიკვდილი მოელოდა, მე მრგებოდა იგი სიკვდილი მაგის მაგიერ და ეგ კი გადარჩენილიყო. და რადგანაც ახლა ჩვენი თვალით ვნახეთ თქვენი გულკეთილობა და დავრწმუნ-




დით თქვენს სასიკადულო პატიოსნებაში, ამიტომ თავი აღაზრდა და აღაზრდა ვიმაღეთ და მართალი განაცხადეთ თქვენს წინაშე.

ასეთმა სამაგალითო თავდადებულობამ დიდად გააკვირვა ბითო და დიდათაც ასიამოვნა და უთხრა მან ავაგსა და დავითსა: რადგანაც ქართველთა ნათესაენი ყოფილხართ მაგისტანა ღირსებით შემკულნი, მე გავსცემ ბრძანებასა, რათა მონგოლთა ნონებმა მალა დაგაყენონ თქვენ, ქართველები, ყველა ჩვენ მიერ დამორჩილებულს ხალხებზე, ყველაზე მეტს პატიესა გცემდნენ, მამული და საქონელი თქვენი ხელ-უხლებელი დარჩეს მონგოლთაგან და ყველა საქმეში სანდონი იყენეთ ჩვენგანო.“


ეს თავისი განკარგულება ბითომ მისცა თვითონ ავაგსა და გაატანა თან მანგუ-ყანთანა, რომელთანაც წავიდა ავაგი თავისი თავდადებული ევზებითა. მანგუ-ყანმაც უფრო კიდევ დიდი პატივით მიიღო ივინი და დაჯილდოვებულნი გამოისტუმრა საქართველოში.

იაკობ გოგებაშვილი.



ჰაერში ფრენა

(ჰაერონავტიკა)



ყანა არისო.

ღიად, მას აქვთ, რაც ცა და ქვეყანა დაარსებულა, ადამიანი ასეთი შურის თვალთ შესცქერის ფრინველებს და, რამდენჯერაც შეხედავს ცავს, მისი აღფრთოვანებული ოცნება უფრო და უფრო შორს მიჰქრის. ადამიანი იმედს არ ჰკარგავს — ერთხელაც არის ნატვრა ამისრულდებოა და იქნება ფრინველთაც კი გადავაქარბო და ზესკნელს ეუწიოვო.

ჰაერში ფრენის შესახებ პირველ კვალს საბერძნეთში ეპოლობთ. აქ დღესაც გაიგონებთ ერთ ძველის ძველ ამბავს. რამდენიმე ათასი წლის წინათ კრიტის კუნძულზე ბედნიერათ ბრძანებლობდა ბერძენთა მეფე მინოსი. დიდებულმა მეფემ განიზრახა თავისი სატახტო ქალაქის კოლოსის გამშვენება. მოიწვია მაშინდელი გამოჩენილი ხუროთ-მოძღვარი დედალიოსი, რომელიც ამასთანავე განთქმული მხატვარი და მქანდაკეცელი იყო. რამდენსამე წელიწადში დედალიოსმა თავის ხელოვნებით მართლაც რომ ქვეყანა გააკვირვა და ქალაქი დაამშვენა. ბევრი შესანიშნავი შენობა ააგო და ქანდაკება-მხატვრობით შეამკო. სხვათა შორის, მეფის

ბრძანებით მან ააშენა ღირს-საცნობი კნოსიის ლაბირინტი*) და მისი მელშიაც მოათავსეს რაღაც უცნაური მხეცი მინოტავრა**). — და მინის მქამელი.

დედალიოსმა რამდენჯერმე სთხოვა მეფეს: „ახლა კი დამითხოვეო“, მაგრამ მეფეს მეტათ ეძნელებოდა ამისთანა სასარგებლო კაცის მოშორება; განგებ ახალ საქმეებს უგონებდა და ძალათ სტოვებდა. თავისუფლების მოტრფიალე დედალიოსმა ძრიელ ითაკილა ამ გვარი ძალადობა—საპატიო პატიმრობა. იმედ მიხდილმა შესთხოვა ღმერთებს რამე ნაირათ დახმარება: „ხმელეთით გზა არა მაქვს და ზღვით კიდევ ვერსად წაუვალ ამ მზაკვარ მეფეს მინოსსაო“. ღმერთებმა შეუსმინეს ვედრება, შთააგონეს დედალიოსს ფრინველთა მიბაძვა და შემწვობაც აღუთქვეს. დედალიოსს მართლაც და ბედნიერმა აზრმა გაუელვა: „წყალი და ხმელეთი თუ ჩემთვის შე-

*) ლაბირინტი (labyrinth) მთელი სოფლის ოღენა შენობაა. შედგება აუარებელ დარბაზ-ოთახებიდან და ეზო-ღერეფებიდან. განგებ ისეთი არეული და რთული გეგმით არის აშენებული, რომ შიგ შემსვლელი, თუ გამოცდილი არაა, ვერას გზით შუაგულ დარბაზამდე ვერ მიატანს და თუ მიაღწია—გამოსვლით-კი ვეღარ გამოვა—ის საშინლათ არიან დერეფნები დახლართული. კნოსის ლაბირინტის გარდა, კიდევ ცნობილ არიან: მისირში (ეგვიპტეში), სამოსის კუნძულზე და ერთიც იტალიაში. ყველა ესენი უძველეს დროის შენობებია, სამოსის ლაბირინტის კვალს ძლივსდა პოულობენ.

**) მინოტავრი (მინოსის ხარი). ბერძნების ფანტაზია ასახელებს რაღაც ზღაპრულ ცხოველს, რომელსაც თავი ხარისა ჰქონდა, ტანი კი ადამიანისა. ეს კაც-ხარი ჰშობა მეფის მინოსის ცოლმაო (ღმერთებმა დასაჯესო). მეფე განგებ მალავდა ამ ხარ-კაცს და მერე ზემოხსენებულ ლაბირინტში მოათავსებინა. საქმელათ-შთასანთქმელათ უზავნიდენ დამნაშავე კაცებს და აგრეთვე ათინიდან ხარკათ აღებულ შვიდ ქალს და შვიდ ვაყს. ამ თოთხმეტ მსხვერპლთა შორის ერთხელ გამოჩენილი გმირი თეზეოსიკ მოჰყვა. ამან მოჰკლა ის ღვთის-რისხეა მხეცი ხარ-კაცი და მით დაიხსნა ათინელები სამარცხვინო და მეტათ სამძიმო ხარკიდანაო. თეზეოსმა არაიდანას შემწვობით გამოაგნო ლაბირინტს და თავს უშველა.



კრულია, სამაგიეროთ ერთი გზა კიდევ მაქვს, სადაც მენოსის ხრიკები ვერას დამაკლებენო. მე მაქვს თავისუფალი ლაქონი, იქ მეფობს მხოლოდ ბრწყინვალე ჰელიოსი (ღმერთი მზისა) და დახეტება თავისი შვილდ-ისრით მონადირეთა მფარველი ღმერთა, მშვენიერი არტემიდა“. მას შემდეგ მეფის მხლებელნი ამჩნევდენ, რომ დედალიოსი საცა კი შეხვდებოდა ბუმბულებს და ფრთებს — ბლომათ აგროვებდა. გამოჩენილი ხელოსანი შეუდგა საქმეს: დაფხე ჰკინძავდა ბუმბულებს და თაფლის სანთლით ამაგრებდა-აწებებდა. ვერვინ მიუხვდა რა მიზანი ჰქონდა ამ ახლათ მოგონილ საქმეს, ხოლო დედალიოსი თავის გულის პასუხს შვილსაც არ უმხელდა. ამ გვართ, საქმე იდუმალ დაასრულა. დედალიოსმა გააკეთა ფრთები, ერთი წყვილი — დიდრონი — თავისთვის და ერთი წყვილიც — მომცრო — თავის ლამაზ ვაჟიშვილის იკარისთვის. იხელთა დრო, ჯერ თითონ შეისხა ფრთები, მერე შვილს შეაბა მხრებზე, ფრთა ფრთას შემოჰკრა და წამსვე ჰაერში აფრინდა; იკარიც მამას აჰყვა ფრენით.

კრიტელები გაოცებული შესცქეროდნენ ცას, სადაც ორი ადამიანი თავისუფლათ მიფრინავდნენ ჰაერში. თავ-ზარ დაცემული ხალხი ერთმანეთს ეკითხებოდნენ: „იქნება ღმერთები ჩამოფრინდნენ და ჩვენს ქალაქს დასტრიალებენო“.

დედალიოსი კი თავისი შვილით იკარით თავისუფლათ მიფრინავდა სამშობლოსკენ. აგერ ნახევარზე მეტი გაიარეს უშველებელი ზღვისა, მარცხნივ გამოჩნდნენ კუნძულები, პატმოსი და დელოსი, აგერ უკვე მოჩანს სამშობლო ქვეყნის კიდე, ჰაერში მოგზაურები მეტის-მეტი სიხარულით დაღალვას ვერც კი გრძნობდენ, მაგრამ დედალიოსს შვილის დარდი მაინც ძლიერ აწუხებდა, იცოდა, რომ ჰაერის სტიქიონი არც იმდენათ სანდო იყო, მალ-მალ იხედებოდა ხოლმე უკან და თან შვილს აფთხილებდა: „შვილო იკარ, გამიგონე — ქვეით თუ დაიწევ, ზღვა ფრთებს დაგისველებს, ზევით აიწევ და მაშინ მზე დაადნობს თაფლის სანთელს და ფრთე-

ბი დაგცივა—დაიღუბები“. საბრალო მამას თითქო გულმა იუფო
 ძნო. იკარი მამას რჩევას ჯერ კი უგონებდა, მაგრამ მოუხლო
 დენ თუ არა სამშობლოს, იკარს გულმა ვეღარ გაუძლო, ახალ-
 გაზდა გულის სურვილმა გაიტაცა, ფრთა ფრთას შემოჰკრა, მალ-
 ლა მალა გასწია და ერთ წამს ავარდა იქ, სადაც მეფობდა თა-
 ვისი ბრწყინვალეობით ჰელიოსი. გახურებულმა მზის სხივებმა წამ-
 სვე გააღხვეს თავლის სანთელი და ფრთებს ბუმბულები გასცივდა.
 გულ-შემხარავმა ყვირილმა ჰაერი ცოდვით აავსო; თავ-გამოდებულმა
 ქაბუკმა ძლივს-ლა მოასწრო მამის სახელის დაძახება, სრიალით წა-
 მოვიდა თავქვე და აღკვებული ზღვის საშინელმა ტალღებმა იგი
 სათამაშოთ გაიხადეს. თავ-ზარ დაცემული მამა ამოთ უძახდა:
 „იკარ, იკარ, შვილო, სადა ხარ!?“ მერე დახედა ზღვას, დაინახა
 გაფანტული ფრთები და მსწრაფლვე მიხვდა შვილის უბედურებას.

დაღონებული, გულ-ჩათუთებული საცოდავი მამა იქვე ჩამოე-
 შვა უახლოეს კუნძულზე და შუალამემდე აქ იჯდა. უცქეროდა
 ზღვას და გაფაციცებული თვალს ადევნებდა აზვირთებულ სტიქი-
 ონს. აგერ ერთმა გააფთრებულმა ტალღამ რაღაც უცნაურათ შე-
 ინავარდა და საშინელი ღრიალით უსულო გვამი მშვენიერი ქა-
 ბუკისა საბრალო მამას ისარივით ესროლა. ვაგლახ-ტირილით უნუ-
 გეშო მამამ იქვე დამარხა თავისი საყვარელი შვილი და მარტო
 გაფრინდა თავის სამშობლოსკენ.

მას აქეთ იმ კუნძულს, სადაც იკარია დამარხული, დაერქვა
 აკარაოსი, ხოლო ზღვა, რომელმაც იგი შთანოქა, იწოდების იკა-
 რიოსის ზღვათ.

ეს ძველის-ძველი ამბავი თუმცა ლეგენდაა, ზღაპარია, მაგ-
 რამ აშკარათ ჰმოწმობს, რომ კაცის გონება დიდი ხანია არ ის-
 ვენებს; ვინ იცის რამდენი საუკუნეა იბრძვის, რომ ჰაერშიაც გა-
 ბატონდეს, ხოლო მიაღწია თუ არა კაცმა თავის ამ მეტათ გა-
 ბედულ სურვილს, ამას შემდეგი წერილიდან დავინახავთ.

სიყვარულს რა არ შეუძლიან!



პატარა, ოდნავ განათებულ ოთახში ჩამიჩუმე არ ისმის, მხოლოდ კუთხეში მიკუნჭულ რკინის ფეხში ფიჭვის ნაფოტებს გაუღის ტკაცა-ტკუცი და იმავე ფეხზე ნელა-ნელა ჩიფჩიფებს პატარა ქვაბით დადგმული წყალი. ფეხის გვერდით, იატაკზე, მოკეცილი ზის ათი თუ თერთმეტის წლის პატარა ბიჭი და ცალ ხელზე თავდაყრდომილს გულიანათ სძინავს; დიდი ხნის დაუბანელი ლოყები ატკრეცილი აქვს სიცხისაგან, გამურულ შუბლზე ოფლი აქვს წამომდგარი და ამ ოფლზე აქა-იქ მიჰკვრია წამოწეწილი ქუქუყიანი თმა; ქუქუყიანი პერანგის საყელო ჩამოხსნია, ძალზე გაცვეთილის ახალუხის გულის-პირი აქა-იქ-და აქვს შეკრული.

ფეხის პირდაპირ ტახტზე გაშლილ ლოგინში ზის პერანგის ამარა თერთმეტის წლის კოტე; ამასაც ცალ ხელზედა აქვს თავი დაყრდომილი და დაშტერებით უყურებს თავის პირდაპირ მჯდომ არსებას. კოტეს შავს, გონებით სავსე თვალებში, რაღაც ჭმუნვა, რაღაც არა ბავშური ფიქრიანობა და ნაღველი გამოჰკრთის; თითქო ვილასაც რაღაც უნდა ჰკითხოს, თითქო ის კითხვა, რომელიც ამის თვალებში გამოიხატება, დიდი ხნიდან არის აღძრული და დიდი ხნიდანვე დაუკმაყოფილებელი და იმიტომაც უფრო დაჟინებული და მწვავი.

„ანდროს სუყოველთვის მჯდომარეს, ჩაცმულს სძინავს“, —

ფიქრობს კოტე, — „სადილს კი ყოველთვის ხელ და ხელ მძღველი არე სქამს. მე არ მინახავს დამჯდარს წინ ჩაყრილი საქმელი სდგმოდეს, ეს ყოველთვის ძალივით სთქვლევფავს ქუჭყიან მათლაფებზე რასაც მოახელებს. ანდრო ყოველთვის დაღალული და ქანც გაწყვეტილია, ანდროს ფეხები ამ ცივ ზამთარშიაც ისევე ტიტველი და დაფათრულია ღობე-ყორეზე სიარულით, როგორც ზაფხულში, ისევე ქუჭყიანი ხელი და პირი, ისევე გაუკრეჭავი, ქუჭყიანი, ჯაგრის მავგარი თმა, დაგლეჯილი ტანთ-საცმელი... რათა, რისთვის არის ასე მიგდებული ეს კარგი, ჭკვიანი, მალხაზი, ყოველთვის გამგონი ბიჭუნა?

— ანდრო, ბიჭო, ანდრო! მოისმა მეორე ოთახიდან გაჯავრებული ხმა, კოტეს დედის ტასიასი.

ანდრომ ძილში გაიგონა ეს კარგად ცნობილი ხმა, შეიშმუნა, ხელი ჩამოიღო თავ-ქვეშიდან, შეუმავრებელმა თავმა აქეთ-იქით ქინდვრა დაიწყო, მაგრამ სრულებით კი ვერ გამოიჩინა ძილიდან

— ანდრო, ანდრო, შე წუწკის შეილო, არ გესმის? ფეხ-აკრფით შემოვიდა ტასია ოთახში, მიუახლოვდა პატარა ბიჭს და ჯანჯლარი დაუწყო; ადექ, ადექ! უმგზავსო, ლეხო კამბეჩო!..

— ახლავე, ახლავე, ქალბატონო, ახლავე... დუდუნებდა ჯერ ძილიდან გამოურკვეველი ანდრო. ახლავე...

— რა ახლავე, რას დუდუნებ, შე გულ-მკვდარო, — ჩურჩულითვე ჩასდუდუნებდა დაკუზული ტასია, — ვერა ხედავ ფეხთან ნაფოტი აღარ არის? შემოიტა, რაღას უყურებ, ოთახი რომ გაცივდეს, ხომ დაგიყენე თვალები...

— ნაფოტი... ნაფოტი... — დიახ, დიახ, ახლავე გიახლები; და თან ზღაზენით წამოდგა საცოდავი ბავშვი, თვალების ფშვნეტით კარებისაკენ წაბარბაცდა.

— უი, ქა! ეს რა ამბავია? შეჭყვირა ტასიამ გაოცებით, როდესაც ლოგინზე მჯდომი კოტე გაარჩია. — დამიდგეს თვალები,



ხომ შეგცივდა პერანგის ამარა რომ ზიხარ? საბანი მაინც უნდა გიყავი ხი. მე ხომ არ გაგაღვიძე, ჩემო ძვირფასო? მოუკვდეს თავი ზვე ოხერ ბიქს, კაცი გონებაში ვერ ჩააგდებს, იმის ღვიძებაში შენც გამოგაღვიძე.

— მე კი არ მეძინა, მაგრამ ის რათ გააღვიძე? ისე ტკბილად ეძინა! დღეს ძრიელ დაიღალა, იმოდენა წყალი მოიტანა ამ სიცივეში, იმოდენა შეშა შემოზიდა ოთახებში.

— მაშ ფეჩი გამქრალიყო? მაშ ოთახი გაცივებულიყო, შეგცივნოდა ნაბანვს?

— დედა, ანდროს დედა არა ჰყავს? პატარა ხნის სიჩუმის შემდეგ კოტე შეეკითხა დედას.

რაში გეკითხება, გენაცვალე, ჰყავს თუ არა? დაიძინე, ხვალ ახალი წელიწადია, უნდა ადრე ადგე, ახალი ტანისამოსი ჩაიცვა, მასლოცად წახვიდე ნათესაობაში. თუმცა ჯერ პატარა ხარ, მაგრამ ჩემი ვაჟკაცი შენა ხარ და უთუოთ ვაჟკაცობაც უნდა გასწიო, მტერს და მოყვარეს დაეცხა.

— თუ დედა ჰყავს, ჩვენსა რათ არის ეგ საცოდავი?!

— ქა, რას ჩამაცივდი! დედა არა ჰყავს და დედა არა ჰყავს?! მერე რო ჰყავს? ჩვენთან ურიგო ყოფაშია, რომ დედასთან წავიდეს? რა აკლია? მე შენ გითხრა მშვიერ-მწყურვალა. ბევრი კამით მუცელი პირთან აქვს მოქცეული!

— მუცელი ციებისგანა აქვსო დასიებული, გუშინ ნინუამ მითხრა. რატომ ხინას არ ასმევთ? რატომ ეჭიმს არ უჩვენებთ?

— კარგი, კარგი, თუ ღმერთი გწამს! შენებურათ კითხვებს ნუ დაიწყებ, თორემ კიდევ გათენდება და მე კი ათასი საქმე მაქვს ჯერ გასაკეთებელი. აი შენი ტანისამოსი, აქ მუთაქაზე გილაგია. ყველაფერი საგანგებოთ არის შეკერილი, წმინდა მაუდისა. გაუფრთხილდი, შენ გენაცვალე, უკანასკნელი გროშები გამოეჩხრიკე, რომ შენ ჩინებულათ გამოემწყვე.

— ანდროს სახვალიოთ ახალი აქვს რამე?



— დიდება შენთვის ღმერთო! რა დაგემართა, ბიჭო, რა ყველაფერი შენ გაგეჩხირა ანდრუა! შენი რა საქმეა, აქვს თუ არა!

— ახლებს რომ ჩავიცვამ, ძველებს იმას მივცემ, — ვედრებით შეხედა კოტე ღედას, — ის თითქმის სულ ტიტველია.


— როგორ თუ იმას მისცემ? მაშ საშინაოთაც და საგარეო-თაც ახლები უნდა გაიხადო? რას ამბობ, ბიჭო, რას? ხომ არ გაღირე. გაჩუმდი, დაიძინე, თორე გავჯავრდები და ხვალ აღარაფრით დაგაბერებ, მერე რეები, რეები მაქვს შენთვის მომზადებული რომ იცოდე! თითის ქნევით უთხრა ტასიამ თავის საყვარელს, ერთად-ერთს ნუგეშს პატარა კოტეს და მცორე ოთახში გავიდა.



კოტეს პატარა თავში აღძრული კითხვები კი ისევ კითხვებათვე დარჩნენ, პირ-იქით იმათ მიემატა კიდევ ის ფიქრი, თუ სად იყო აქამდის პატარა ანდრო ამ საშინელ სიცივეში და ან ბნელაში სად უნდა აეკრიფნა ნაფოტი. „მერე ჩვენს უშველებელ ეზოში, მარტო-მარტო ამ შუალამისას! შარშან არ იყო მგელმა ლეკვი მოატაცა ჩვენს კარებზე? ანდროც რომ მგელს მოეტაცნოს? უცებ გაუფლვა თავში კოტეს, ის სწრაფათ წამოხტა, ტიტვლიკანა და ფეხშიშველა კარებისაკენ გაექანა, ოდნავ გამოაღო და ეზოში გაიხედა; იქ საშინელი ქარი ჰქროდა და აბორიალებდა წუხანდელ მოსულ თოვლს. ცა და დედამიწა ერთმანეთისაგან აღარ ირჩეოდა. მთელი არე-მარე გამოურკვეველ ბურუსში იყო გახვეული.

— ანდრო, ანდრო! — დაიძახა კოტემ ხმა დაბლივ და თან მცორე ოთახის კარებისაკენ იხედებოდა, რომ ღედას არ გაეგონა და არ გასჯავრებოდა, მაგრამ ანდროს ხმა არსაით არ მოისმა.

— ანდრო, ანდრო, ანდრო..... ცოტა ხმა მოუმატა კოტემ. მოდი, ნაფოტი საჭირო არ არის, მოდი, მოდი... მგელმა არ მოგტაცოს, მოდი..... მოდი...იი.



— რა ამბავია? რა გაყვირებს? სანთლით ხელში შემოვიარდა გულ-გახეთქილი ტასია და კინალამ შიშით წაიქცა, როდესაც ვალებულ კარებში ტიტველა, ფეხშიშველი, სიცივისაგან აძაგდაგებული თავისი შვილი დაინახა.

— დამიბრმავდეს თვალები, რას ვხედავ ამას! რამ გაგაგიჟა, ყმაწვილო! გაგონილა და თქმულა, მაგოდონა კაცი ხარ და ვერა გრძნობ, რომ ყინვაზე სდგეხარ? მოდი ჩქარა, ჩქარა ლოგინში ჩაწექ, დაიხურე, ჩათბი, თორემ ეხლავე გაგაციებს. რაღა უნდა ექნა ახლა რომ ავით გახდე—წუწუნებდა ტასია; მძლავრათ მოავლო ხელები კარებში გაქვავებულ კოტეს და ლოგინისაკენ დაუწყო წევა.

— ანდროს მგელი შესჭამს... ის კი არ გაცივდება? სამი საათია კარშია, ვინ იცის კიდეც გაიყინა. დედა, დაუძახე, დაუძახე, თორემ მანამ ის არ მოვა, ლოგინში არ ჩავწვები, ჯიუტათ იმეორებდა კოტე და კარებიდან ფეხს არ იცვლიდა. — რათ გააგდე, დედა, ამ საშინელ სიცივეში, რათ? ღმერთი ხომ გავვიწყრება!..

— ღმერთო, მაცხოვარო! ეს რა დაემართა ამ ბავშვს დღესა, რა სიყვარული და ჯავრი ჩაუვარდა იმ ოხერი გადამთიელი ბიჭისა, გენაცვალეთ! გინახავთ ამისთანა საქმე! მოდი დაწექი, დაიხურე და გეფიცები ახლავე გავგზავნი დედაკაცს დასაძახებლათ. რისა გეშინიან, პირველი გასვლა ხომ არ არის იმისთვის, ყოველ დამეზიდავს ბოსლიდან ნაფოტს, რაღა ამალამ შესჭამს მგელი. დაწექი გენაცვალე, დაწექი შენი ჭირიმე, თორემ შიშით გავგიჟდები, ხედავ რა რიგ გაკანკალებს?

— კარგი, დაგწვები, დავიხურავ, ოღონდ შენ ჩქარა წადი, მალე შემოაყვანიხე, — კანკალით და მუდარებით ეხვეწებოდა კოტე დედას.

— წავალ, წავალ, ოღონდ შენ კარგათ მყავდე და თუნდ კლდეზე გადავვარდები, — სთქვა ტასიამ და საჩქაროთ გავიდა.



მალე ეზოში ერთი ალიაქოთი შეიქნა. ნინო დედაკაცი მათთან
 ნით ხელში მუხლზე მოსულ თოვლში ვერსად იპოვნა პატარა ან-
 დრო, დიდს ვაი-ვაგლახით მიადწია ბოსლის კარებამდის, ბიჭები
 დაადვიდა და იმათი დახმარებით, მკერის ჩირაღდნებით ხელში, შე-
 უღდა ძებნას.

— აქეთ, ბიჭო, — ყვიროდა ერთი — აი ეს შავათ რას ამოუყ-
 ვია თავი?

— ეგ ხის ნამორია, შე ჩერჩეტო, — უკვირებდა მეორე ბიჭი.

— აი ეს რაღაა? — სახლის კუთხესთან მიგროვილ თოვლზე
 უთითებდა მეორე.

— ეგ არეული კირი აგროვია, რით ვერ დაიხსომე, — უსაყვე-
 დურებდა ნინო დედაკაცი კეცით შეიარაღებულ მელორეს და თან
 წუწუნებდა:


— ვაი ჩვენი ბრალი, სხვისი შვილი სხვის სახლში ეს არის.
 საცოდავი ობოლი, ვინ იცის გაიყინა კიდევ სადმე! დაუდგეს თვა-
 ლი იმის დედას, შეურცხვეს დედობა, რომ მეორეთ გათხოვდა და
 ბავშვები გუგულის ბარტყებივით სხვათა კარეთ დაურიგა.

— აი, ეს ვერანა ესა! — შეპყვირა პავლია ბიჭმა. ხედავთ სად
 მიკუმშული! სითბოსთვის კი მიუგნია. ბუხრის ბანთან მიმჯდარა
 და სძინავს.

მართლა და მუშტის ოდნათ მოკუნტულიყო პატარა ანდრო.
 პირი და გულ-მუცელი თბილი კედლისთვის მიეყრდო და ზურგი
 კი ქარბუქისთვის მიეშვირა. ხელები მჭიდროთ გადექდია გულზე,
 თავი მუხლებ შუა ჩაედო და გაქვავებულივით იყო დახვეული.

— ანდრო, ანდრო, ბიჭო, ადექ, ადექ, გაიღვიძე, სახლში
 წამო, — ჩაპყვიროდნენ ბიჭები და დედაკაცი, მაგრამ ის უნძრევ-
 ლათ იდო და ოდნავი სუნთქვა-ლა მოწმობდა, რომ ჯერ სიცოც-
 ხლე არ იყო მასში შეჩერებული.

— ხელში აიყვანეთ, ხომ ხედავთ გათომილია, სახლში შევი-



ყვანოთ. დავზილოთ, უთუოთ გაყინული აქვს სისხლი? ნომ და გაუძღვა წინ ბიჭებს.

მოსამსახურეების ხმაურობაზე კოტე კიდევ ზეზე წამოიჭრა და მოჰყვა ღრიალს:— მომკვდარა, მგელს დაუგლეჯია? საწყალი, საწყალი! მიჩვენეთ, მიჩვენეთ. რა მოსვლია? და კარებში მიექრა ბიჭებს და თვალეზ-დახუჭული და უძრავი ანდრო რომ დაინახა, უფრო შეკრთა, კანკალმა აიტანა.

— გენაცვალეთ, მიშველეთ, შემობრალეთ, — კიოდა ტასია და თან რაც ძალი და ღონე ჰქონდა შვილს ლოგინისკენ მიათრევდა. დაწეკი, დაწეკი, დაწყნარდი, თუ გინდა, რომ იმასაც ვუბატონოთ, იმასაც ყური ვუგდოთ. თორემ ახლავე ბოსელში გავგზავნი და შენს თავს ბიჭებს შევაკრევენებ და ისე ჩაგაგდებ ლოგინში. ღმერთო ჩემო, ეს რა დაემართა დღეს ამ ყმაწვილს? ვინ გადამირია ასე ჩემი ჰკვირანი ბიჭუნა? ვინ ასწავლა დედის წინააღმდეგობა?

— აი დავწვები, დავწვები. აღარც-კი გავინძრევი, ოღონდ კი ის მოაბრუნეთ. საწყალი, საწყალი... სად არის მაგის დედა!— სლუკუნებდა კოტე და თან საბანში ეხვეოდა. — სად არის უბედური, რომ დედაჩემივით ისიც არ ჰვატრონობს თავის ანდროს? მაგრამ განა დედა მხოლოდ თავის შვილს უნდა ჰვატრონობდეს? განა ჩემი ოსტატი ნინო დედა არის ჩემი, რომ ისე მიფრთხილდება, ისე მიაღერებს, ისე მიაზივებს? წამ და უწუმ მკითხავს: „ხომ არ გცივა, კოტე? ხომ არ გშიან, კოტე? ხომ არ დაიღალე?“ რათ არის ნინო ისე კეთილი, ისე სათნო... განუწყვეტლათ აძლევდა კითხვებს თავის თავს ნერვებ აშლილი კოტე და თან გაფაციცებით ყურს უგდებდა ანდროს მობრუნებას.

ის ფეჩის წინ დოშაკზე იწვა და ორ-ორი დაჩოქილი მძლავრი ბიჭი გაყინულ ხელ-ფეხს უზილავდა. ნინო კოვზით პირში წვეთ-წვეთათ არაყს აწვეთებდა. ერთი საათის შემდეგ ანდრომ თვალები აახილა, მიიხედ-მოიხედა და რომ გარშემო იმოღენა ხალხი

დინახა, შერცხვა და წამოვარდნა დააპირა, მაგრამ მუხლებზე მისი წარსული შინელი ტკივილი იგრძნო და ტირილი დაიწყო.

— მაღლობა ღმერთს ტირის, — სთქვა ნინომ — ახლა ფიქრი აღრა არის, ახლა თქვენ წადით, შვილო, — უთხრა ბიჭებს. — ანდროს იქვე საბანი მიხურა, ფეხს შეშა შეუმატა და თავის მინებებულ საქმესთან გაეშურა.

კოტე საბან წახურული იწვა; ტასიას ეგონა, სძინავსო, და დაშოშმინდა; პირჯვარი გადასწერა და ისიც საქმეზე წავიდა. პატარა ოთახში ისევ სიჩუმე ჩამოვარდა.


კოტეს კი არ ეძინა, ის მთლათ თრთოდა, ვერას გზით ვეღარ გათბა, ძვლები მთლათ ემტვრეოდა, თავის სიმძიმეს ჰგრძნობდა, ცოტაოდენათ მარცხენა გვერდში ქვალიც ადგა, მაგრამ დედის შიშით ხმას ვერ იღებდა და უჩუმრათ, საბან ქვეშ, იფშვნეტდა გაყინულ ხელ-ფეხის თითებს.

თითქმის რიჟრაჟი იყო, როდესაც ტასია მორჩა საახალწლო სამზადისს და ოთახში შემოვიდა დასაძინებლათ. ის ფეხ აკრეფით მივიდა ფეხთან, ლამპა დასწია, ცეცხლს კიდევ მიუძარჯვა და უნდოდა კოტეს გვერდზე მოსწოლოდა, მაგრამ საშინლათ შეჭკივლა და თავში ხელა შემოიკრა: „ვაი შენს დედას! რაღა ვქნა ახლა, რაღა წყალში გადავარდე!“

კოტეს საშინელი სიცხე ჰქონდა. იმისი გაღებული პირიდან სტვენის მაგვარი სუნთქვა ამოდიოდა და ბავშვი მოუსვენრად გმინავდა.



ნათლიღება ღღეა. თუმცა მზე სდგას, მაგრამ ძალუმათ-კი ჰყინავს. სქლათ დადებულ თოვლს ფეხ ქვეშ სულ ჰყრიალ-ჰყრიალი გაუდის. მთელი სოფელი ფეხზე სდგას, დიდი და პატარა ემზადება წყლის-კურთხევაზე წასასვლელათ. დართული ქალი და რძალი მოუთმენლათ ელიან კარზე ოჯახის საქმეებში შეგვიანებულ დედამთილს, რომ იმის წინამძღოლობით გაუდგნენ გზას, შეუერთ-



დნენ საერთო პროცესიას. პატარა გოგო-ბიჭების კიბინები, ხტუნვანი ხარხარი ზარივით გაისმის მოყინულ ჰაერში.

— ბიჭო, ანდრო, არ მოხვალ წყალზე?— მოისმა ხმა ტასიას ეზოში.

— სუთ, სუთ!— ჩურჩულით აჩუმებს მოყვირალ ბიჭებს ნინო. განა არ იცით, რომ კოტე ავთ არის? რა გაყვირებთ. ანდროსაც ფეხები დააძრა და კუტათ არის.

პეტრე ღვდელი თავის დიაკვნით და კოჭლი მნათეთი სულ სირბილით მიდის მდინარისკენ, ხალხი უკან მისდევს. პატარა მდინარე „ჩხრიალას“ ორთავ ნაპირი ხალხით არის სავსე. ყველა წინ იწევს, ყველას უნდა უკეთ დაინახოს, თუ როგორ ჩაუშვებს ღვდელი ჯვარს წყალში. პეტრე ღვდელმა გაათავა ლოცვა და დიდის მოწიწებით, ნამდვილის სარწმუნოებით და თაყვანის ცემით დაიჩოქა გაყინულ წყალზე ამოჭრილ ორმოს წინ და სამჯერ ჯვარის გამოსახვით წყალში ჯვარი გაავლო. შემდეგ წელში გაიმართა და ლოცვა-კურთხევით იაზმით ხალხი ასხურა. ხალხმა სიხარულის კიჟინა შეჰქნა. რამდენიმე თოფი და დამბაჩა დაიკალა. ბავშვები და დედაკაცები ჩარქვებით, ბოთლებით ხელში მისცვივდნენ ყინულში ამოჭრილ ორმოს და დაუწყეს ნაკურთხი წყლით ავსება. საშინელი წაკვრა-წატანა შეიქნა. სიცივისგან გალურჯებული ხალხი მიღობის, მოღობის, ფეხებს აპრაკუნებს, ერთმანეთს ეხლებიან და ხარხარებენ.

ერთი სიტყვით, მთელი სოფელი აღტაცებულია. ყოველი თითოეულათ და სუყველანი ერთათ მხიარულათ ეგებებიან დიდებულ დღესასწაულს. ყოველი კაცის ოჯახში ღვინოა გაჩაღებული, უღარიბესსაც კი სუფრა აქვს გაშლილი და მღერის მხიარულათ.

მარტო ტასიას ოჯახია მოღრუბლული და გაჩუმებული. იმის არე-მარეზე ჩამი-ჩუმი არ ისმის, სუყველანი ფეხის აკრეფით შედიან-გადიან. ჩვენ ნაცნობ ოთახში ხომ სამარისებრივე სიჩუმეა და

მის საიდუმლოებით მოცულ მყუდროებას აორკეცებს მაცნაობის ხატის წინ ანთებული საღვთისწაულო კელაპტარი.


ტასია სულ-განაბული, ფერ-მიხდილი, მწუხარებით გასავატებული უყურებს ექიმს, რომელიც გულ-დასმით ყურს უგდებს პატარა კოტეს ფილტვების მოძრაობას. დედის გული თითქმის გაჩერებულია, იმის სიცოცხლე ახლა მხოლოდ იმაზე-ღაა დამოკიდებული, თუ რას იტყვის ექიმი კოტეს მორჩენაზე.

ტასია ნანიაშვილისა სულ ოცი წლის ყმაწვილი ქალი იყო, როდესაც ქმარი მოუკვდა და ობლათ დარჩა ორი წლის კოტე. თავისი ყმაწვილ ქალობა ტასიამ ამ ობლის აღზრდას შესწირა, იმის მამულის მოვლას და პატრონობას და აი ახლა, როდესაც ღმერთმა ხელი მოუშართა, შვილი იმ ხანამდის მიიყვანა, რომ სასწავლებელში მისცა, დარწმუნდა, რომ ჩინებული ყმაწვილი დადგა და რიგიანი ნიჭი გამოიჩინა სწავლაში, ხელიდან ეცლება. — რაღათ მინდა მე სიცოცხლე, რაღათ? ეკითხება ვაგებით ტასია თავის თავს და დარწმუნებულიც არის, რომ უკოტეოთ თავს არ იცოცხლებს.

აი ექიმი მორჩა, ადგა, წელში გასწორდა, ნელა-ნელა ჩაიღო უბეში ფილტვების გასაშინჯი ლულა. ტასიას თვალები ერთი-ორათ გადიდდენ, ცნობის-მოყვარეობით სული შეუგუბდა, ტვინი კინალამ შეერყა. ექიმი-კი ხმას არ იღებდა, ის დაკვირვებით უყურებდა ბავშვის ჩამომხმარ, მაგრამ გამონაკვეთულ სახეს, შავი გიშვრით ხუჭუჭი თმა, გონიერ შუბლზე ჩამოწეწილი ყმაწვილის ფერ მკრთალ, ლამაზ სახეს ეშხით ავსებდა და ამშვენებდა, თითქოს ექიმი ამ მგრძნობიარე სახეს თვალს ვერ აშორებდა და დედა მისი კი დაავიწყდა.

— ბატონო ექიმიო... — ძლივს ამოსთქვა ტასიამ. — რას იტყვი... რას?..

ექიმი შეკრთა და მაშინვე მიხვდა, რომ აქ სიჩუმე უადგილო იყო და სწრაფათ უთხრა დედას: „ღმერთი მოწყალეა. იმედია,



რომ ბავშვი გადაიტანს ამ მძიმე ავადმყოფობას. მხოლოდ სიფრთხილზე, სიფრთხილზე დიდი გმართებთ. არ გაცივდეს, არ გაჯავრდეს, კარგათ სკამოს, სწავლას შემოდგომამდის ველარ შესძლებს.

მერე ოთახი დაათვალიერა ექიმმა და ფეჩის გვერდით მჯდომი ანდრეა რომ დაინახა, ბძანა: „ამას აქ რა უნდა? გაიყვანეთ. ოთახში სუფთა ჰაერი უნდა იყოს, აქ ავადმყოფის გარდა ნურავინ დაიძინებს. ფეჩში დღე და ღამ ცეცხლი ენთოს. დღეს ან ხვალ სიცხე გამოჩნდება, ოფლი მოუვა და უფრო თხილდით არ შეიქციოს, გესმით არ შეიქციოს, თორემ მორჩენა შეუძლებელი იქნება, - სასტიკათ დაუმატა ექიმმა და გამოემშვიდობა ტასიას.

...ფეხები მოსძრა ანდროს... საწყალი... საწყალი. ვაი, ვაი, სტკივა, ხელი არ ახლოთ... ხელი... ნაწყვეტ-ნაწყვეტათ ბუტბუტებდა კოტე სიცხეში. დედა, ხელი არ ახლო... სტკივა... სტკივა...

— არა, გენაცვა, არა, ხელს არ ვახლებ, თავზე დავისვამ, ხელით ვატარებ, მეორე შვილი ის იქნება ჩემი, ოღონდ შენ იყავ კარგათ, თვალი აახილე, გონს მოდი, ერთი შენებურათ შემომხედე და ჩემი მკვდარი გული გააცოცხლე, — ჩასჩურჩულებდა ტასია აღტაცებულის სიყვარულით თავის პირმშოს. ოღონდ ხმა გამე და დღეიდან ანდროს გავაბატონებ ჩემ სახლში, მეორე შვილათ მივიჩნევ, ვასწავლეცინებ...

— კოტემ თითქო გაიგონა დედის ვედრება, იმისი აღთქმა და უცებ თვალები აახილა, დედას გადახედა, გაიღიმა, რალაც წაიბუტბუტა და ისევ გაირინდა.


— ოხ, მახცოვარო! შეჰყვირა ტასიამ სიხარულით და ხატის წინ მუხლებზე დაეცა: გვეედრები, მაპატივე ყოველი ჩემი შეცოდება, უსამართლობა და კოტე მომიჩინე და აქ შენ წინ ფიცსა ვდებ, რომ დღეიდან ყოველი ობოლი შევიწყნარო, ყველა გაჭირვებულს ნუგეში მივცე, ყოველ დავრდომილს...

— დედა, მშინ, სადა ხარ? - დაიჩურჩულა კოტემ. — ანდრო აქ არის?

— აქა ვარ, კოტეჯან, აქა! — სიხარულით შეჰყვირა ჩვეულებრივად ფეხთან მოკუნტულმა ანდრომ, რომელიც გრძნობდა, რომ მისი მფარველი ანგელოზი კოტე იყო და მხოლოდ კოტეს წყალობით გადურჩა სიკვდილს, კოტეს წყალობით შეიმოსა, გასუფთავდა და განცხრომით წვეს თბილ ოთახში და მოთმინებით მოელის იმ დღეს, როდესაც მოძრული ხელ-ფეხი მოურჩება და თავის მეგობართან შესძლებს თამაშობას და მადლობის გადახდას.

ტასიამ მომეტებულის გულ-მხურვალეობით აღაპყრო ხელი და, დღეიდან ჩინებული დედა, კარგ დედაკაცათ გარდაიქცა.

ქკ. კაბაშვილისა.



ბედნიერი დღე

(სახალწლო მოთხრობა რუსულიდან)



აღო! ნაღო! ადგ გაიღვიძე, რამდენი ხანია გა-
თენდა. უკვე ექვსი საათია. ამ სიტყვებით მი-
მართა უფროსმა დამ მარომ თავის პატარა ათი წლის დას ნაღოს,
რომლის ხუჭუჭ თმიანი თავი შეინძრა და ნამძინარევი თვალები
გაოცებით შეაცქერდნენ საყვარელ დის ლამაზ და ჭკვიან სახეს.

— რა იყო, მარო?— შეეკითხა დას ნაღო.

— ის იყო, რომ გეყოფა ნებივრობა, ჩაი მზათ არის, ადექი
დავლიოთ. ნელა, დედა არ გააღვიძო.

მარომ გაისწორა წინსაფარი და დაიწყო სამოვრის ახლო ფუს-
ფუსი, რომ რაც შეიძლებოდა სუფთათ დაემზადებინა დილის სა-
უზმეთ ჩაი.

ნაღო წამოხტა ლოგინიდან, საჩქაროთ ტანთ ჩაიცვა, პი-
რი დაიბანა, დაიწყო თავისი ხუჭუჭი თმების ვარცხნა და თან
თვალს არ აშორებდა სტოლს, სადაც გაჩქარებული დულდა სამო-
ვარი და სასიამოვნოთ გამოიყურებოდა საახალწლოთ დედისაგან
გამომცხვარი ბედის კვერები.

ნაღო მეტათ ცოცხალი და ტანმოვლი გოგონა იყო. არც
უსაქმურათ ჯდომა უყვარდა. ის და მისი და მარო ყოველ დღე
რვა საათს მუშაობდნენ თეთრეულის სამკერვალოში.

დღეს ნაღო უფრო მადიანათ იყო მინამ უწინ. ახალი წელი-
წადი მოდიოდა, ამ დღეებში მეტათ ბევრი სამუშაო იყო სამკერ-

ვალომი, ნადო და მისი დაც მეთს მუშაობდენ, ამიტომ უფრო მეტი უნდოდათ და საკმელი უფრო გემრიელათაც ვიყვნებოდათ ხოლმე. მართალია, ნადოს სხვა და სხვა საკერავის გაკეთება არ შეეძლო, მარტო ღილებს აკერებდა თეთრეულს, მაგრამ იმის პაწია თითებისთვის ესეც კმაროდა. ამას გარდა, უფრო სხვარამ აწუხებდა ნადოს. წუხელის, როცა სამკერვალოდან გამოდიოდენ, მარომ გამოუცხადა თავის პატარა ამხანაგებს: — მე რაღაც მოვიგონე სადღესასწაულოთ და ჯერ კი არავის გეტყვითო. თავის საყვარელ დაია ნადოს კი უთხრა: თუ ხვალ ნახევარი საათით ადრე ადგები, შენ შეგიძლიან შეიტყო რაშია ანის საქმეო.


— მარო, შენი ჭირიმე, მითხარი რა მოიგონე სადღესასწაულოთ, გუშინ აკი დამპირდი გეტყვიო. — ხვეწნით ჩასციებოდა ნადო დას.

— დამაცა, — უბასუხა მარომ, — ჯერ ერთი რამ უნდა გაჩვენო. მარომ სიამოვნებო გადახედა ნადოს და გაჩუმდა.

როდესაც ჩი გაათავეს, ორივემ თავისი გახუნებული პალტო ჩაიცვეს, ძველი შლიაპები დაიხურეს და გასწიეს სამკერვალოსაკენ.

ყოველ დღე ორივე დებს უნდა გაეგლო დიდ ქუჩაზე, რომელზედაც აქეთ-იქით ჩამწკრივებული იყო მდიდარი კაცების სახლები. პატარა ნადო გულ-ნაკლულათ შესცქეროდა იმათი ოთახის დახურულ ფანჯრებს და გაიფიქრებდა ხოლმე: ნეტავი თქვენ, რომ ადრე არავინ გაღვიძებთო და, როდესაც უკან დაბრუნების დროს დაინახავდენ იმავე ფანჯრებში გადმომდგარ პატარა ბავშვებს მხიარული, კმაყოფილების ღიმილით, მაშინ კი მარო ამოიხიზნებდა და იტყოდა: ნეტავი თქვენ, რომ ჯავრი არა გაქვთ რაო.

მეტათ მგრძნობიარე გოგონა იყო 14 წლის მარო. იმისინახი, სუსტი ხელები საცოდავით ფათურობდენ ხოლმე, როდესაც სქელი მიტკლის ნაჭრიდან ნაოჭები უნდა აესხა, მაგრამ იმავე დროს ის მხოლოდ თავის ამხანაგ ქალებზე ფიქრობდა, რომლებიც დაღალულ-დაქანცულნი, ფერ-დაკარგულნი ძლივს ანძრევდენ ხე-



ლებს და ნემსებს ხან ერთ თითში იჩხვლეტდენ, ხან მეტროვში, როგორ იტანჯებოდა საწყალი მარო, როდესაც თავის პაწია დაიკოს უცქეროდა მუშაობის დროს. მას გულს უკლავდა ნადოს ტანჯვა. საწყალი გოგო, რა ნაირათ იქყანებოდა, იგრებდა ყბებს, როდესაც რომელიმე ღილის დაკვრება სქელ ადგილზე შეხვდებოდა: ხან თითს მიაჭერდა ნემსს, ხან სტოლზე დააჭერდა, ხან კედელს მიაწვებოდა და ხან ხშირათ ნემსი საკერავის მაგიერ თითონ ნადოს ფიხილში შეყოფდა თავს. ამის დანახვაზე გამწარებული მარო ჩაპკოცნიდა დას, იმავე წამს სახლში გაგზავნიდა და იმის სამუშაოს თითონ აკეთებდა.

ამ ბოლო დროს ნადოს თვალეებში ხშირათ ცრემლი მოადგებოდა ხოლმე და ეს ძალიან აწუხებდა მაროს. ამიტომაც გადასწყვიტა სადღესასწაულოთ შობის ხე გაემართა, რომ ერთხელ მაინც ენახა იმის საწყალ დაიას სასიხარულო დღესასწაული.

II.

ქალაქის განაპირას, სადაც მაროს და ნადოს სამუშაო სამკერვალო იყო, იმის დაახლოვებით იდგა ერთი დიდი სასახლე, რომელიც ეკუთვნოდა ლალანდის ქვრივს. ჩვენი ბავშვები ხშირათ ხედავდნენ ხოლმე მოხუცებულ ქალს, რომელიც სულ ერთ თავათ ფანჯარასთან იჯდა და ქუჩაში იყურებოდა. ათასში ერთხელ კარებთან მიაყენებდნენ ძვირფას ეტლს და ბავშვები დანახავდნენ, რომ ლალანდისა გამოვიდოდა, ჩაჯდებოდა შიგ, კოფოზე მეეტლეს გვერდით მოუჯდებოდა ბებერი მსახური და ვასწევდნენ ქალაქისკენ. საოცარი სასიამოვნო გამომეტყველება ჰქონდა მოხუცი ქალის სახეს, თუმცა სულ ერთ თავათ დაღონებული და მოღუშული იყო. ჩვენ პატარა გოგონებს ხშირათ ხედავდა ქალბატონი ლალანდისა თავის სახლის წინ მოსიარულეთ; იმას ეგონა, მათხოვრები არიანო, ყურადღებას არ აქცევდა, მაგრამ ის კი არ

იკოდა, თუ პატარა გოგონებს რანაირათ ებრალებოდათ, ბებერი ქალბატონი, რომელიც ისე უპატრონოთ, უსიხარულოთ ცხოვრებდა.

ლაღანდის ეზოს განაპირას იდგა ერთი ძველი ფიცრული, სრულიად მიტოვებული პატრონებისაგან. ყოველ მხრიდან ამ ფიცრულში თავისუფლათ დასეირნობდა ქარი და ისედაც თავ-მინებებულს უფრო უდაბნოს ფერსა სდებდა. აი სწორეთ აქ გადასწყვიტა მარომ თავის ნაღოსთვის და სხვა ამხანაგებისთვის საშობაო ხის გამართვა და ამ დილას ნაღოსაც გაუზიარა თავისი საიდუმლო.

ნადო თვალ გაჭყეტილი, სულ-განაბული უსმენდა დას, როდესაც ის აჩქარებით უხსნიდა თავის საიდუმლოს:

— აი, ნადიკო, აქ დავდგამთ ნაძვის ხეს, რომელსაც გიორგი დინელი მომიტანს ტყიდან. მართალია, ხე პატარა იქნება, მაგრამ უთუოთ ყველასათვის თითო საჩუქარი ეკიდება ზედ.

— როგორები იქნება ის საჩუქრები?—დაეკითხა ნადო.

— გეთაყვა, მაგაზე ნუ იფიქრებ, მოვახერხებთ რასმე. შენ აბა წაიკითხე სტუმრების სია. მარო ჩამოჯდა იქვე ხის ჯირკზე და ჯიბიდან ამოიღო გაჭუჭყიანებული ქალაღდის ნაჭერი, სადაც ჩამოთვლილი იყო სტუმრების სახელი და გვარი.

— მე თითქმის ყველა დავწერე აქ, ვისაც კი სხვაფრივ არ შეუძლიან იღვესასწაულოს ახალი წელიწადი.—სთქვა მარომ და გაისწორა ძველი პალტოს კალთები, რომ სიცივისაგან აკანკალებული მუხლები ცოტათი დაეზო. — წარმოიდგინე, ნადო, — განაგრძო მან — რა მხიარულება გვექნება. გიორგის ამხანაგი ბიჭებიც დავბატიჯოთ, ჩვენი საკუთარი შობის ხე გვექნება და ვითამაშებთ, ვიმღერებთ. ვაი, მართლა რა დამავიწყდა!..

— რა?—დაეკითხა ნადო.

— რა და სანთლები. შობის ხეს ხომ განათება უნდა და ჩვენ კი არც ერთი სანთელი არა გვაქვს.



მარომ შეწუხებით დაუწყო ცქერა იმ ადგილს, სადაც შობის ხე უნდა დაედგათ და თითქო იმედი დაეკარგა მისი სისრულეში მოყვანისა.

— არ შეიძლება მედუქნე დეღბასს ეთხოვოთ?— გაუბედავით წარმოსთქვა ნადომ.

— მართალს ამბობ, ჩემო დაიკო! დეღბასი კეთილი კაცია და უეჭველია უარს არ გვეტყვის, — შესძახა მარომ და გასწიეს სამკერვალსკენ. — გესმის, ნადო, არაფერი წამოგცდეს ამხანაგებთან, თუ გიყვარვარ. — ეხვეწებოდა გზა-გზა მარო ნადოს.

სამკერვლოში ნადო ძალიან დაფიქრებული იყო. ეს რომ ამხანაგებმა შენიშნეს, ჩააცივდენ, გვითხარი რათა ხარ აგრეთ, მაგრამ ნადომ მოითმინა და არაფერი უთხრა, თუმცა ერთხელ, ცოტა გაწყდა, კინალამ წამოსცდა.

როდესაც სამკერვლოდან გამოვიდნენ, მარო მივიდა ნადოსთან და ახარა, დეღბასი სანთლებს დამპირდაო.

— იცი, მკითხა რით გადამიხდით, და მეც დიდგულათ ვუბასუხე: შობის ხე გვექნება და თქვენც დაპატიჟების ბარათს გამოგიგზავნით-მეთქი. იმან გაიცინა და მადლობა გადამიხადა.

— ახლა, მარო, საჩუქრებისას რას აპირებ?— ჰკითხა ნადომ.

— მაგის ფიქრი ნუ გაქვს, ნადო, ყველაფერი იქნება. წავიდეთ სახლში და გაჩვენებ.

III.

სახლში რომ დაბრუნდენ, ჩვენს გოგონებს დედა შინ არ დახვდათ, ის თავის დღიურ სამუშაოზე წასულიყო. თავიანთ პატარა ოთახში ორი და მარტო იყვნენ; მარომაც ისარგებლა ამ მართლობით და გააღო თავისი ძველი ხის ყუთი, საიდანაც ამოაღა სამობაო ხეზე ჩამოსაკიდი სხვა და სხვა საჩუქრები: იქ იყო თეთრი მიტკლის ნაქრები, რომლებსაგან ზოგს კარგი წინსაფარებიც

(ფართუკი) გამოვიდოდა. ყველა ეს მიტკვლები ერთი მალაზიის უფროსმა ნოქარმა აჩუქა მაროს. იყო კიდევ ფარჩის სხვა და სხვა ფერის ნაქრები, სქელი ქალაღდის კოლოფები, რამდენიმე თეთრი ღილი და რამდენიმე ცარიელი ძაფის კოჭები.


— ე ძაფის კოჭები რალათ გინდა? — ჰკითხა დას ნაღომ.

— მოიცა და გაიგებ; — უბასუხა მარომ. ნაღოსთვის ამდენი მოიცა ძნელი ასატანი იყო, მაგრამ ახლა კი დიდხანს არ მოუნდა ცდა: მოვიდა გიორგი დანელი და ძაფის კოჭებისაგან ისეთი მშვენიერი პატარა ურმის თვლები გააკეთა, რომ ნაღოს აღტაცებას საზღვარი არა ჰქონდა. ზედაც სქელი ქალაღდის კოლოფები შედგა და გამოვიდა ნამდვილი ეტლი. სქელი ქალაღდებისაგანვე გააკეთეს პატარ-პატარა კათხები, შეღებეს სხვა და სხვა ფერი საღებავებით, თავებზე მოაბეს ყვითლათ შეღებილი ზონრები, რომ შობის ხეზე ადვილათ ჩამოეკიდათ და ყველა ეს კი, იმათი ფიქრით, მეფური საჩუქრები იყო. გააკეთეს პატარ-პატარა თოჯები, რომლებსაც თეთრი მიტკვლისაგან გაკეთებულ პირზე დაუხატეს შავი საღებავით თვალ-წარბი, წითლია ლოყები, ტანისამოსიც მშვენიერი შეუკერა მარომ ფერადი ნაქრებისაგან და ამან ხომ უფრო აღტაცებაში მოიყვანა ნაღო.

უნდა გენახათ ნაღოს და მისი ამხანაგების სიხარული მთელი კვირის განმავლობაში, თითქმის არაფრისაგან რამეს აკეთებდენ; საჩუქრებს თან და თან ემატებოდა და ბოლოს, გიორგიმ და მარომ მოათრიეს პატარა, კოხტა შობის ხე და დადგეს ქ-ნ ლალანდის ძველ ფიცრულში. მორთეს, ააქრელეს შობის ხე ისე, რომ სრულებით სხვა შეხედულება მიიღო.

— ახ, რა კარგი იქნება, რომ ცეცხლის ანთების ნება მოგვცენ. შენიშნა ნაღომ.

— ოჰ, კარგი, ნუ ინაზები! უცეცხლოთაც კარგ დროს გავატარებთ. მაინც არა ვართ თბილ ოთახებს ჩვეული, უბასუხა მარომ. — მოდი ჩვენ დაბატყების ბარათები დავწეროთ.



რადგან ფიცრულში ერთობ სიბნელე იყო, გადასწყვიტეს მობის ხიდან ერთი სანთლის ჩამოღება. მარომ ძირს დაიჩოქა, გიორგიც სანთლით გვერდში მოუდგა და დაიწყეს დასაპატიჟებელი ბარათების წერა.

„გიორგი დანელი, მარო და ნადო რიშარები უმორჩილესათ გთხოვთ მობრძანდეთ ახალწელიწად ღამეს ექვს საათზე ქ-ნ ლალანდის ფიცრულში, სადაც გამართული იქნება შობის ხე.“

— მგონი ასე კარგი იქნება! თქვა მარომ და თავ მოწონებით დაუწყო ცქერა თავის თხზულებას. — იმდენი ქალღიბელი მაქვს, სულ სხვა და სხვა ფერი, რომ ათი დასაპატიჟებელი ბარათი თავისუფლათ გამოვა

ამ დროს მარომ თვალი მოჰკრა ქ-ნ ლალანდის სასახლეს, საიდანაც მომხიბლავათ გამოიყურებოდა ფანჯრებში ოთახის სხვა და სხვა მორთულებები, და ერთი მწარეთ ამოიოხრა. იქნება გგონიათ დიდკაცობა ინატრა? ან შეშურდა რამე? არა, მაროს გული მოუყვდა მოხუცი ქალის დანახვაზე, რომელიც დაფიქრებული, დაღრეჯილი, მარტოთ მარტო გამოიყურებოდა თავის მდიდრულათ მორთული ოთახის ფანჯრიდან, და შეებრალა მოხუცი ახლაც, როგორც ყოველთვის ებრალებოდა.

— რაზე ამოიოხრე? წაუჩურჩულა დას ნადომ.

ამ დროს გიორგი მოშორდა მათ, რომ ერთი კიდევ შეეხედა შობის ხისთვის, და მარომ კი ჩურჩულითვე უპასუხა ნადოს.

— იცი, რა ნადო, მე საშინლათ მინდა ქალბატონი ლალანდისა დავპატიჟო. უეჭველია, იმ საცოდავ ბებერს, არც შობის ხე ექნება და არც ვინმე სტუმრები ეყოლება.

IV

სადამო ხანი იყო. ქალბატონი ლალანდისა იჯდა თავის ოთახში და დაფიქრებული ფანჯარაში გაიყურებოდა.

მას შემდეგ, რაც ქმარი და ორი შვილი დამარხა, შისთვის

ყოველი შობა ერთნაირი იყო, მოსაწყენი, გაგრძელებული პრაქტიკული არ უყვარდა, არავის ეკარებოდა. ერთათ-ერთი და, რომელიღაც ღია რიბ კაცზე იყო გათხოვილი მახლობელ დაბაში, დაუქვრივდა და ორი პატარა შვილი დაჩჩა. ლალანდისა ყოველ წლიურ შემწვობას აძლევდა მათ, მაგრამ თვალით კი არ ნახულობდა, პატარა დისწულებსაც ყოველ წელიწადს უგზავნიდა საჩუქრებს. ესეც სიყვარულით კი არ მოსდიოდა, მოვალეობას ასრულებდა. ხშირათ იტყოდნ ხალმე პატარა ვანო და კატო (ლალანდის დისწულები): —ნეტა ვუყვარდეთ დეიდას და საჩუქრებს თუნდ თავის დღეში ნუ გამოგვიგზავნისო.

გადიოდა წლები და ქალბატონი ლალანდისა თანდათან მიუკარებელი ხდებოდა.

30 დეკემბერი იყო. ქალბატონი ლალანდისა იმ დღეს განსაკუთრებულ მარტობას გრძნობდა. ბუხარში ცეცხლი გუგუნებდა, ოთახში სანთელი არ ენთო. მდიდრულათ მორთულ ოთახს რაღაც უდაბნოს მსგავსი შეხედულება ჰქონდა. მთელ დღეს მოღრუბლული დარი იყო და ქალბატონი ლალანდისა თითქმის მთელ დღეს ერთ ადგილას იჯდა. უცებ ამ საღამოს ფანჯრიდან თვალი მოჰკრა ძველ ფიცრულში სანთლის შუქს და სამი ბავშვის თმახუქუქა თავებს. უნდოდა ზარი დაერეკა, მაგრამ ამ დროს ოთახში შემოვიდა მოხუცი მსახური.

— იქ რა სინათლეა, სიმონ? — დაეკითხა ლალანდისა მსახურს.

— რა მოგახსენოთ, ქალბატონო! აი ბავშვებს რაღაც შობის ხე მოუგონიათ ჩვენ ფიცრულში. — უბასუხა სიმონმა თავდაქერილი ღიმილით.

— ბავშვებს? ვის ბავშვებს? გაკვირვებით იკითხა ლალანდისამ.

ამ დროს ზარი დაირეკა და მსახური საჩქაროთ გაბრუნდა კარის გასაღებათ. ქ-ნ ლალანდისას კარგა ხანს მოუნდა ცდა. სიმონი თითქო ვილასაც რაღაზედაც უარს ეუბნებოდა. ბოლოს მო-



ბრუნდა, მაგრამ სახეზე ახლაც ისეთივე თავ-დაჯერილობა იქნებოდა.

— რა ამბავია, ვინ გელაპარაკებოდა?— დაეკითხა ლალანდისა.

სიმონმა მიართვა ქუჩიან ქალაქზე დაწერილი ბარათი და თავ-ჩაღუნულმა მოახსენა:

— ქალბატონო, ღმერთმანი სასაცილონი არიან ეს ბავშვები! აი ახლა ერთი იმათგანი მოვიდა და თქვენც დაგვატიჯათ, შობის ხე გაუმართავთ და სურთ, რომ დაესწროთ იმათ ღროს გატარებას.— სთქვა სიმონმა და კარში გამოვიდა, რომ თავის ცოლისთვისაც ეამბო ეს სასაცილო ამბავი.

ქალბატონმა ლალანდისამ მგონია ათჯერ გადაიკითხა უცნაური ბარათი: „ჩვენ შობის ხესა ვმართავთ, ქალბატონო, შენიჭირიმე მობრძანდით ჩვენთან ხვალ საღამოს შვიდ საათზე. ჩვენ ყველა გულით გთხოვთ, რომ მობრძანდეთ“. კითხულობდა მოხუცებული ქალი და რაღაც ისეთი უცნაური გრძნობა ეღვიძებოდა ამ ბარათის დამწერთა მიმართ, რომ, ძალაუნებურათ, სიცილის მაგიერ პატივისცემას იწვევდა. რამდენსამე ხანს შემდეგ, თითქო რაღაც გადასწყვიტაო, უცებ ზარს ჩამოჰკრა და უბრძანა მსახურს, სიმონას ცოლს, გაიანეს დამიძახეო.

— გაიანე, — მიმართა მან სიმონას ცოლს — საჩქაროთ მომეცი თბილი წამოსასხმელი და ფეხსაცმელი, სხვაგან მივდივარ.

გაიანე გაოცებული შესცქეროდა ქალბატონს.

— სიმონმა ლიფლიფა წამოიღოს, მე მინდა ჩემ ძველ ფიცრულში წავიდე. გაიანე, იცი შენ ეგ ბავშვები ვინ არიან?

— როგორ არა, ქალბატონო, ეგ ბავშვები, თქვენი დისწულის სახლში რომ სამკერვალოა, იქ მუშაობენ. ისეთი სასაცილოა, რომ იცოდეთ, გაუმართავთ შობის ხე და უთუოთ უნდათ, რომ ყველა სტუმარმა თითო საჩუქარი მიიღოს. მე და სიმონმა რამდენი ვიცინეთ!

ქალბატონი ლალანდისა ფაცი-ფუცით გაიქცა თავის ძველ



ფიცრულში და ისეთი დაფიქრებით, გულ და გულ ათვალიერებდა და ხეზე ჩამოკიდულ ყოველ ნივთს, რომ სიმონი და მისი ცოლი გაოცებით შესცქეროდნენ. ცნობის-მოყვარეობა, სიბრაღული, სინილისის მხილება, ყველა იხატებოდა მოხუცი ქალის სახეზე. როცა ყველა დაათვალიერა, ერთი წარმოსთქვა: საწყალი ბავშვებიო, და გამობრუნდა სახლში, ფაცი-ფუცითვე გაიხადა წამოსასხამი და მოუბრუნდა სიმონს, რომელიც იქვე ელოდა კარებში.

— სიმონ, ამალამის მატარებლით წადი ჩემ დასთან და ხვალ შუადღისას ჩემი დისწულები მომიყვანე, სადგურზე ეტლს დაგახვედრებ. ჩემ დას გადაეცი წერილი, რომელსაც ამ ნახევარ საათში მიიღებ. დიდი ხანია დისწულები არ მინახავს და უნდა ვნახო, მგონი აღარც კი ვახსოვარ. აბა წადი, მოემზადე.

V

ვანოს და კატოს, სიხარულით არ იცოდნენ, რა ექნათ, ისე იმათ დედის დაპატიჟება, თუმცა ეშინოდათ კი გულ-ცივი დეიდა კარგ დროს არ გაგვატარებინებსო, მაგრამ მაინც დიდის სიხარულით გადმოხტნენ მატარებლიდან, ჩასხდნენ დედის გამოგზავნილ ეტლში და გასწიეს მისი სახლისკენ. გზაში შეხვდნენ მაროს და ნადოს, რომლებიც დედას მიჰყავდა საახალწლოთ ცოტა თაფლის და ღორის ხორცის საყიდლათ.


— მარო, შეხედე ქალბატონ ლალანდის ეტლსა, ბავშვები სხედან შიგ.— შეჰყვირა ნადომ.

— იქნება იმანაც შობის ხე გამართოს?!— წამოიძახა მარომ.

— გამართოს რა, ჩვენ რას დაგვიშლის. მხოლოთ ძალიან კი შეგვცოვა და ამისი მეშინიან.

ქალბატონი ლალანდისა თან ეალერსებოდა თავის დისწულებს და თან უამბობდა შობის ხეზე დაპატიჟების ამბავს.

— თქვენ ვერ წარმოიდგენთ, რა ნაირათ გამეხარდა იმათი დაპატიჟება. ჩემო შვილებო, მინდა რითიმე გადავუხადო მაგ საწყ-



ყალ ბავშვებს, ამიტომ გთხოვთ: წაიყვანეთ გაიანე, მაღლობა რომ ჩემი საცოდავი შვილების ოთახია, იქ ბევრი სათამაშოებია შენახული, აარჩიეთ რაც კარგი იყოს და ჩუმათ მოუერთეთ იმ ღარიბ ბავშვებს შობის ხე, სულ ძვირფასი საჩუქრებით.

სიმონის და გაიანეს გაოცებას საზღვარი არა ჰქონდა, როდესაც ეს ამბავი გაიგეს. — მაღლობა ღმერთსა, ეგება დაივიწყოს, ცოტათი მაინც, თავისი ღარდი ჩვენმა ქალბატონმა, — ბუტბუტებდენ ისინი. ბავშვები კი არჩევდნ და არჩევდნ სათამაშოებს, რომ მოერთოთ ფიცრულში გამოქიმული პატარა შობის ხე.

— დედიკო, საღამომდის ერთხელ კიდევ უნდა ვნახოთ ჩვენი შობის ხე. — გამოუცხადა დედას ახალწელიწად დილას ნადომ.


— დღეს მე ბევრი სამუშაო მექნება, შვილო, სასტუმროში, შუალამემდის ვერ მოვალ, ვეცდები საღამოს ერთი საათით მოვირბინო და თქვენი სიხარული ვნახო. — უთხრა დედამ შვილებს.

— შენ გენაცვალოს ჩემი თავი, ჩემო დედილო, უთუოდ მოდი. რა სიხარული გვექნება! ჩემს ამხანაგ ქეთოს, უეჭველია, მთელ ღამეს არ დაეძინებოდა სიხარულით. დედა დაჰპირდა, მოვალო, და ნადოც დამშვიდა.

— აბა წავიდეთ, მარო, ერთხელ კიდევ ვნახოთ ჩვენი შობის ხე. — მიუბრუნდა ნადო დას. და ორივემ გასწიეს ფიცრულისაკენ, მაგრამ როდესაც შევიდნენ, ისეთი საოცარი რამ ნახეს, რომ ნადოს კინალამ გული შეუწუხდა.

— ღვთის-მშობელო დედა! ეს რა მომხდარა?!

ვერ წარმოედგინათ, საიდან მოხდა ეს ცვლილება. შობის ხე ისევ თავის ადგილას იდგა, ისევ ისე პატარა იყო, მაგრამ ღმერთო! რა არ ეკიდა ზედ? ოქროს და ვერცხლის ჯაჭვები, სხვა-დასხვა ფერი სანთლები, ვარსკვლავები, მთვარეები, პატარა ცხენები, ძაღლები. ეს კიდევ არაფერი! შობის ხის გარშემო, ძირს შემომწვრივებული იყო სხვა და სხვა სათამაშოები, ერთი-ერთმანერთხე უკეთესები. დედოფლები, მშვენიერი მარხილები, ეტლები, დედო-



ფლებსთვის ოთახები, ერთი სიტყვით, რა არ იყო! ნადოს ეგონებოდა, რომ ყველა ამას სიხმარში ხედავდა, და ბოლოს სიხარულით ტირილიც დაიწყო.


— ნადო, ნუ სულელობ, — შეპყვირა მარომ, — რა გატირებს? უქველია, ყველა ეს ვინმემ მოაწყო, თავისით ხომ არ მოვიდოდა. მაგრამ ნეტა თუ ვისთვის არის?

ღიახ, ყველა ეს იმათთვის იყო. ამაზე ჩქარა დარწმუნდნენ ჩვენი პატარა მასპინძლები. სიმონა მოვიდა და მოიტანა რკინის ფეხი, რომ საღამოსთვის გაემართა, იმას უკან მოჰყვენ კატო და ვანო, რომლებსაც უნდოდათ ენახათ, თუ რას იზამდნენ ბავშვები, როდესაც მოულოდნელ საჩუქრებს ნახავდნენ.

ათ წუთში ჩვენი სტუმარ-მასპინძლები უკვე დამეგობრდნენ. ნადომ დაწვრილებით უამბო თავისი შობის ხის ამბავი კატოს და კატომაც აუხსნა, თუ რა სასიამოვნოთ დაუბრა ქალბატონ ლაღანდისას იმათი დაპატიჟება და მადლობის გადასახდელათ აჩუქა შობის ხისთვის სათამაშოები. საღამოს ქალბატონმა ლაღანდისამ შეაბმევინა თავისი ეტლი და ყველა პატარა სტუმრები ეტლით მოაბძანეს.

მას შემდეგ დიდი ხანი გავიდა, მაგრამ ნადოს და მაროს არ ავიწყდებოდათ ის ბედნიერი დღე. ქალბატონ ლაღანდისამ ძალიან დაიხლოვა ნადო და მარო, განსაკუთრებით მარო შეიყვარა, რადგან ის მეტათ კეთილი და მუშა გოგონა იყო. ორივე დები გამოიყენა სამკერვალოდან და სკოლაში მიიბარა. იმათ დედასაც ადვილი სამუშაო დაუნიშნა თავისთან.

ბედნიერები იყვნენ მარო და ნადო და ბედნიერი იყო თითონ ქალბატონი ლაღანდისა, რომელიც იმ ბედნიერ დღის შემდეგ თავის დღეში მარტო აღარ იჯდა. მულამ იმის ფიქრში იყო, თუ როგორ მოხმარებოდა ღარიბ და ჭკვიან ბავშვებს, ეხმარებოდა კიდევ და სწორეთ ამითი იყო ბედნიერი.



ს კ ო ს ტ ი ს ე ბ ი

(წარმოდგენილი მ. ლელაშვილისაგან)

ვაჰქრა ვარსკვლავი, ნათლით მოსილი,
 ელფერი ჩვენის ცხოვრებისა, კეთილ-მყოფელი;
 წყნარი, გულ-წრფელი, მშვიდი, მართლის მლალადებელი,
 ენა-წყლიანი, დაჩაგრულთა თანამგრძობელი.
 რა ენა მოსთვლის მის სიკეთეს სამშობლოსადმი.
 ეტრფოდა ნათელს, ბოროტების მკიცხავ-მგმობელი.
 თავი შესწირა სიმართლესა, ჭეშმარიტებას;
 ერმაც თვის გულში დაიმარხა „კეთილ მშრომელი!“
 ლოცვა-კურთხევას ნუ მოვაკლებთ მის ძლიერ სულსა!
 ის ლამზარივით ნათელია ჩვენ წინ მდგომელი!

იგი მობრძანდა თეთრი მახარით,
 ახლავს თან ჯარი, ყინვა ქარისა;
 ნებავეს სიმკაცრით ჩვენ შეგვაშინოს,
 ვის ეშინიან მისი ჯარისა?
 აბა პანღური, იმ უსირცხვილოს,
 რას გვემუქრება უცხო მხარისა!
 იმან არ იცის, რომ დალოცვილი
 არის ეს მხარე, ქრისტეს ჯვარისა?!



ანდაზები

(წარმოდგენილი გ. ბოკერიასაგან)

მთელ დღესა მოქიფესა—არა დარჩა-რა ვახშმათა.

როგორც დაიგებ—ისე მოისვენებო.

თავის მოკვეთის დროს თმებზე ვინ იფიქრებსო.

სხვისი გიჟი სასაცილოა, თავისი კი სამარცხვინო.

(წარმოდგენილი კოტე სეხნიაშვილისაგან)

ერთი გადახტომით მწყერი არავის დაუჭერიაო.

ზმა

(წარმოდგენილი კ. ფრონისპირელისაგან)

ჩიტო ტიკტიკა ენითა, მელაპარაკე ნალვლიანს,
მიამბე, რისთვის მიდიხართ იმ უცხო მხარეს, ნალვლიანს.

ამოცანა

ხაზების მაგიერ ჩასვით თითო ასო, ისე, რომ გამოვიდეს:

— და — პირველ სტრიქონში—კაცის სახელი.

— ატ — მე რეში—ოთხფეხი ცხოველი.

— ბრა — მესამეში—სახელი.

— არ — მეოთხეში—სახლის ნაწილი.

— ლი — მეხუთეში—სახელი.

როცა ჩამატებულ პირველ ასოებს წაიკითხავთ—გამოვა ცნობილი პოეტის სახელი, როცა ჩამატებულ უკანასკნელ ასოებს წაიკითხავთ—მაშინ კი მეორე პოეტის სახელს მიიღებთ.

შ ა რ ა დ ა

(წარმოდგენილი იოს. ჩხატარაიშვილისაგან)

სამ მარცვლოვანი სიტყვა მაქვს
 ერთ საგნის გამომხატველი,
 რომლისგან ორი პირველი
 არის მშობლისა სახელი.
 მეორე მარცვალს თუ მოვწყვეტო,
 და მივაკერებთ მესამეს,
 სიტყვას მივიღებთ, რომლითაც
 ხატვენ სიმარდეს, სიჩქარეს.
 მთელი კი არის ფრთოსანი,
 და თითქმის ყველას ქოხშია,
 საათის ალაგს ხმარობდნენ
 ქრისტეს და პეტრეს დროშია.

რებუსი


(წარმოდგენილი სათ.-აზნაურო სკოლის მასწ. ლ. რცხილაძისაგან)

ღ 2 ო უ

ე

კატი რომ კვდუ-
 ბა, რა ამოსდის?





ქ
ი

წყლის
ორმო

ხიტების
დასაჭერი



რ



ბ
რ

ს რა არის მუ-
კამ სკელი?

ა

ა

რქ
ქ
ე

ბ



ლ
ს

ბ



ს

სათამაშო
ნიეთი

საჭიდაო
ადგილი

ჰ

სასას რა
აბია?





№ XII ჯეჯილისა:

აკროსტიკება: 1) ჯეჯილი, 2) დეკემბერია.

გამოცანები: 1) კვერცხი, 2) ობობის ბუდე, 3) ნავი, წყალი და ნიჩაბი.

ზმა: ნინო, დარია, დათა, ილო.

ანაგრამა: ლალი-ლილა.

შარადა: სუ-კი.

რებუსი: ათი წელია ვკითხულობთ, არ მოგეწყენია აროდეს, ყველამ ვუსურვოთ, რომ კიდევ ათას წელს ტკბილათ ჰყვარდეს. აკროსტიხი, გამოცანები, ზმა, ანაგრამა, შარადა და რებუსი ასსსსს თფილისში: სათავად-აზნაურ ა სკოლის მ-სწავლემ იოს. ტატიშვილმა. ქუთაისში: ნიკიფორე ჩირაძემ, გ. ლალიაშვილმა, ლ. ფეიქარაჯისამ, ებრაქსია გურაშიძისამ, რ. ჩიხლაძემ და წმ. ნინოს სასწ. მოსწავლემ თამარა ძნელაძემ, გორის დედათა პრაგმინაზიის მოსწავლე ქალებმა: კატუშა ფავლენიშვილმა, ნატაშა ბეგთაბეგოვმა, ნინა კლამიაშვილმა და თამარა ავალიშვილმა.

პატარა მკითხველების წერილები

I.

ქ. განჯა.

ჩვენ საყვარლო რედაქტორო. ჯეჯილის დეკემბრის ნომერში წავიკითხეთ თქვენი წერილი პაწია მკითხველებთან. ჩვენ მოგვეწონა დიმიტრი, ზანგი და ყინული, უფრო მეტათ კი პასკალის ოჯახი. ძალიან ველოდით, მაგრამ ბოლო ნომერში არ იყო.

თქვენი მოსიყვარულე პატარა მკითხველები ქეთო და გოგია ბაქრაძე.

რედაქტორ.-გამომცემელი ან. თ.-წერეთლისა.

საქმაწვილო ნახატებიანი ჟურნალი

„ჯეჯილი“

წელიწადი მეთერთმეტე

გამოვა 1900 წელსაც თვეში ერთხელ იმავე ზრგ-
რამით, როგორცაც აქამდის.

ჟურნალი „ჯეჯილი“ მიღებულია თფილისის საე-
ზრქიო და კავკასიის ოქჯის სამოსწავლო რჩეუებისგან
სასწავლებლის სამკითხველთებში საკითხავათ.

ჟურნალი „ჯეჯილი“ თფილისში დატარებით ღირს
4 მან. თფილისს გარეშე გავზავნით 5 მან. ცალკე ნო-
მერი 50 კაზ.

ხელის მწერა შეიძლება მხოლოდ წლით და ნახე-
ვარ წლით.

ხელის მწერა მიიღება:

1) თფილისში — „წერა-კითხვის გამ. საზოგადოე-
ბის“ კანტელარიაში (Дворцовая ул. д. Груз. Двор.,
№ 101), და თფით „ჯეჯილი“-ს რედაქციაში (Арти-
ллер. ул. № 5, возле Кадетского корпуса)

ფოსტის ადრესი: *Въ Тифлисъ въ редакцію
грузинскаго дѣтскаго журнала „Джеджили“.*

